

**ASO LULU, 26 IUNI 2019**

*Na nofoia e le Fofoga Fetalai le Nofoa i le itula e 9:14 i le taeao.*

Tatalo.

**FOFOGA FETALAI:** Ou te faasilasila atu ua toe amatalia Tausalumaga ma Galuega a le Fono Aoaofa Faitulafono.

Avea ia leni avanoa ou te faatalofa atu ai ma le agaga faaaloalo i le paia o le Palemene ua mafai ona tatou auvaa potopoto i leni taeao i lau Afioga i le Palemia, le Sui Palemia, le Kapeneta aemaise foi o Taitaifono ma Komiti mamalu o le Palemene, faapea foi Ofisa Sili o Pulega o Matagaluega ma Faalapotopotoga a le Malo ua mafai ona tatou faatasi.

**TUUINA ATU O PEPA**

*Na tolaulauina e le Failautusi Pepa ua faataatia i luga o le Laulau a Fono, e tusa ai ma T.T.49(2).*

1. P.P.2019/2020 Nu.87, Faamatalaga Faa-Minisita a le Afioga i le Palemia aso 28 Me 2019 e uiga i le Mataupu Tau Faamasinoga a le Peresetene o Faamasinoga o Fanua ma Suafa.

**TUUINA ATU O LIPOTI A KOMITI FAA-PALEMENE**

*Na tolaulauina e le Failautusi Lipoti a Komiti Faa-Palemene ua faataatia i luga o le Laulau a Fono e tusa ai ma T.T.52(5).*

1. P.P.2019/2020 Nu.88, Lipoti a le Komiti o le Vaega o Atinae Eseeese i le Tulafono Tau Faaofi o Teuteuga o le Tulafono o le Faaliliuina o Fanua Faaleaganuu 2017.

**FOFOGA FETALAI:** Ou te tapa ma le faaaloalo lau Afioga i le Taitai o le Maota, lau Afioga i le Palemia.

**LAFO A LE TAITAI O LE MAOTA**

**Susuga Hon TUILAIPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI (Palemia):** Lau Afioga i le Fofoga Fetalai, faafetai i le Atua i le maleifua mai ma alafai mai i leni taeao le mamalu o sui usufono o le Fono Aoaofa Faitulafono aua a tatou ga luega tuua faaaau mo leni foi aso e pei ona atofa.

26 IUNI 2019

### Lafu a le Taitai o le Maota

Ou te tulai atu lau Afioga i le Fofoga Fetalai ma le faaaloalo tele, talu ai o le tele o Matagaluega ma Pulega Tumaoti a le Malo ua moomia lava le faagasolo o a latou galuega, ae ua fai sina faatuatuai ona o le le i faamaonia e le Fono Aoa o a latou Lipoti Faaletausaga o lo o fausasaga i totonu o le Maota nei, o le mea lea ua manatu ai e faatu le lafo e faapea:

1. *Ina ia faamaonia e le Fono Aoa Lipoti uma a Matagaluega ma Pulega Tumaoti po o Faalapotopotoga Tumaoti, ua maea ona iloiloina e tatou Komiti Faa-Palemene, faatasi ai ma Tali a le Malo e tusa ai ma Fautuaga a Komiti Faa-Palemene sa o latou lauiluina.*
2. *Ia mataitu ma silasila totoa, tulituliloa e Komiti Faa-Palemene Lipoti uma Faaletausaga a Matagaluega ma Pulega Tumaoti a le tatou Malo i le humanai, pe o atagia ai le faatinoga o Fautuaga a tatou Komiti Faa-Palemene e tusa ai ma Tali ua tauaaina e a outou Afioga.*

*O le tulaga taua lau Afioga i le Fofoga Fetalai, o Lipoti nei ma le Tali mai a le Malo, ona o le tatou galuega lea e faifaatasi. E le faapea e silafia uma e le Minisita isi mea e tutupu, a o a outou suesuega e oa ai foi a outou Lipoti mai totonu o le Palemene ma le Kapeneta. O lona uiga, o le tatou galuega e fai faatasi, e pei lava o upu a le atunuu, o le fale o Samoa e fau faatasi. Ae le o se agaga foi lele e tilotilo masei ona pei lea ua atamai tele ma lipoti atu i le nusipepa ni faaletonu, a o faaletonu o lea lava e avatu e le Matagaluega ma mataitu ma oa ai a outou lipoti, ae faapea foi le faalaeiauina o a outou Afioga i galuega o lo o faagasolo e le tatou Malo.*

*Faaluaina e le Minisita mo Pisinisi, Alamanuia ma Leipa ma le Minisita mo Tina ma Tamaitai, Atinae o Nuu ma Afioga ma Agafesootai.*

*Na faamaonia le lafo.*

### TULAFONO TAU FAAOFI O TEUTEUGA O LE TULAFONO O LE FAAPUTUGATUPE MO LE LUMANAI MANUIA O TAGATA 2019 – faitauga muamua

**FOFOGA FETALAI:** Ou te tapa ma le faaaloalo lau Afioga i le Minisita o Tupe.

**Afioga Hon SILI EPA TUIOTI (Minisita o Tupe):** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 i lona faitauga muamua.*

*Faaluaina e le Minisita mo Aoga, Taaloga ma Aganuu ma le Minisita mo Faamasinoga ma Pulega tau Faamasinoga.*

26 IUNI 2019

**Tulafono Tau Faaofi o Teuteuga o le Tulafono o Kamupani Tausi  
Mavaega 2019 – faitauga muamua**

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 i lona faitauga muamua.*

**TULAFONO TAU FAAOFI O TEUTEUGA O LE TULAFONO O  
KAMUPANI TAUSI MAVAEGA 2019 – faitauga muamua**

**FOFOGA FETALAI:** Ou te tapa ma le faaaloalo lau Afioga i le Minisita o Tupe.

**Afioga Hon SILI EPA TUIOTI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani Tausi Mavaega 2019 i lona faitauga muamua.*

*Faaluaina e le Minisita mo Aoga, Taaloga ma Aganuu.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o Kamupani Tausi Mavaega 2019 i lona faitauga muamua.*

**TULAFONO TAU FAAOFI O TEUTEUGA O LE TULAFONO O  
FAAPUTUGA OA FAAVAE RESITALAINA 2019 - faitauga muamua**

**FOFOGA FETALAI:** Ou te tapa lau Afioga i le Minisita o Tupe.

**Afioga Hon SILI EPA TUIOTI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Faaputuga Oa Faavae Resitalaina 2019 i lona faitauga muamua.*

*Faaluaina e le Minisita o Aoga, Taaloga ma Aganuu ma le Minisita o Faamasinoga ma Pulega tau Faamasinoga.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o Faaputuga Oa Faavae Resitalaina 2019 i lona faitauga muamua.*

**TULAFONO TAU FAAOFI O TEUTEUGA O LE TULAFONO O  
KAMUPANI 2019 - faitauga muamua**

**FOFOGA FETALAI:** Ou te tapa ma le faaaloalo lau Afioga i le Minisita mo Pisinisi, Alamanuia ma Leipa.

26 IUNI 2019

**Tulafono Tau Faaofi o Teuteuga o le Tulafono o Auupega 2019  
- faitauga muamua**

**Afioga Hon LAUTAFI FIO SELAFI PURCELL (Minisita mo Pisinisi, Alamanuia ma Leipa):** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani 2019 i lona faitauga muamua.*

*Faaluaina e le Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo Tagata Tafafao Maimoa Mai Fafo.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o Kamupani i lona faitauga muamua.*

**TULAFONO TAU FAAOFI O TEUTEUGA O LE TULAFONO O  
AUUPEGA 2019 - faitauga muamua**

**FOFOGA FETALAI:** Ma lou faaaloalo ou te tapa lau Afioga i le Palemia.

**Susuga Hon TUILAEPA AUJELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Auupega 2019 i lona faitauga muamua.*

*Faaluaina e le Minisita mo Pisinisi, Alamanuia ma Leipa ma le Minisita mo Tina ma Tamaitai, Atinae o Nuu ma Afioga ma Agafesootai.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o Auupega 2019 i lona faitauga muamua.*

**TULAFONO TAU FAAOFI O TEUTEUGA O LE TULAFONO O LE  
KOMISI O LE TOEFUATAIGA O TULAFONO 2019  
– faitauga muamua**

**FOFOGA FETALAI:** Ma le faaaloalo ou te tapa lau Afioga i le Palemia.

**Susuga Hon TUILAEPA AUJELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Komisi o le Toefuataiga o Tulafono 2019 i lona faitauga muamua.*

*Faaluaina e le Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo Pisinisi, Alamanuia ma Leipa.*

26 IUNI 2019

**Tulafono Tau Faaofi o Teuteuga Eeseese i Tulafono (Faasoaina o Matafaioi Tauave i Minisita) 2019 – faitauga muamua**

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Komisi o le Toefuataiga o Tulafono 2019 i lona faitauga muamua.*

**TULAFONO TAU FAAOFI O TEUTEUGA ESEESE I TULAFONO (FAASOAINA O MATAFAIOI TAUAVE I MINISITA) 2019 – faitauga muamua**

**FOFOGA FETALAI:** Ma lou faaaloalo ou te tapa lau Afioga i le Palemia.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ou te tulai atu ma le faaaloalo e faatu le lafo, *Ina ia faitauina nei le Tulafono Tau Faaofi o Teuteuga Eeseese i Tulafono (Faasoaina o Matafaioi Tauave i Minisita) 2019 i lona faitauga muamua.*

*Faaluaina e Minisita o le Kapeneta.*

*Na faamaonia le lafo ma faitauina le Tulafono Tau Faaofi o Teuteuga Eeseese i Tulafono (Faasoaina o Matafaioi Tauave i Minisita) 2019 i lona faitauga muamua.*

**TULAFONO TAU FAAOFI O TEUTEUGA O LE TULAFONO O LE FAASOLOGA O TIUTE 2019 – faitauga muamua**

**FOFOGA FETALAI:** Tulai mai lau Afioga i le Minisita mo Tupe Maua.

**Afioga Hon TIALAVEA FEA LENIU TIONISIO HUNT (Minisita mo Tupe Maua):** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faasologa o Tiute 2019 i lona faitauga muamua.*

*Faaluaina e le Minisita mo le Soifua Maloloina ma le Minisita o Tupe.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Faasologa o Tiute 2019 i lona faitauga muamua.*

26 IUNI 2019

**TULAFONO TAU FAAOFI O TEUTEUGA O LE TULAFONO O LE  
FAAPUTUGATUPE MO LE LUMANAI MANUIA O TAGATA 2019  
– faitauga faalua**

**FOFOGA FETALAI:** Talu ai ua ou taulimaina Tusi Faamaonia o le Tulaga Faanatinati ua maea ona sainia i Tulafono Tau Faaofi nei e 8, o lea o le a sagai atu loa le Fono Aoa o le faitauga faalua ma faagasolo ai lava seia faitauina faatolu i le aso Fono lenei.

Tulai mai lau Afioga i le Minisita o Tupe.

**Afioga Hon SILI EPA TUIOTI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 i lona faitauga faalua ma ou te fia tautala puupuu e faamalamalama i ai.*

*Faaluaina e le Minisita mo Aoga, Taaloga ma Aganuu ma le Minisita mo Tupe Maua.*

**FOFOGA FETALAI:** Ia o le avanoa lenei mo lau Afioga i le Minisita o Tupe e te saunoa ai e tusa ai o le faamalamalamaina o lenei Tulafono Toe Teuteu.

**Afioga Hon SILI EPA TUIOTI:** Faafetai i lau Afioga i le Fofoga Fetalai mo le avanoa e faapuupuu atu ai se faamatalaga e faamalamalama atili ai lenei Tulafono Tau Faaofi. O le autu o le Tulafono Tau Faaofi e teuteu ai le Tulafono o le Faaputugatupe mo le Lumanai Manuia o Tagata 1972, o le Tulafono Autu lea e ala i le faagasolo pea ona siitia le tapulaa pito i maualalo ma fua faatatau o saofaga a tagata e ona galuega ma tagata faigaluega i totonu o le vaitaimi o le tolu tausaga.

O le faamoemoe o le Teuteuga ina ia fesoasoani i le faatupulaia o paleni o saofaga mo sui ia o le a faapea ai ona tele ni tupe avanoa mo sui po o le faatupeina ai o ni penisione mo le soifua pe a malolo litaea ia sui. O le fuaiupu 1, o le a taua loa le Tulafono Tau Faaofi o le Tulafono o Teuteuga o le Tulafono o Faaputugatupe mo le Lumanai Manuia o Tagata 2019 o le Tulafono, ma o le a amata faamamaluina i aso ua faamaotiina atu.

Ua teuteuina foi le Tulafono Autu e pei ona faatulagaina atu i tulaga o faamatalaga o le Tulafono. Lau Afioga, o le Sini Autu lava o lenei Tulafono tau Faaofi ma Teuteuga o le toe tagai lea i le tulaga foi lea pei ona sa faaalua i le Lauga o le Tala o le Tupe i le siitaga lea tai 1%, e amata faamamalu i le amataga o Iulai o le tausaga nei, toe faaopoopo le isi pasene ia Iulai 2020, a o le faaopoopoga lona tolu e atoa i ai le 10% o saofaga a i latou o lo o faigaluega faapea foi i latou e ona falefaigaluega i le aso 1 o Iulai 2021.

O le Autu lava lau Afioga i le Fofoga Fetalai ma sui usufono mamalu o le Palemene, o le taumafai lea ina ia oo atu i le taimi ua retire manumalo ai tatou tagata faigaluega i le 55 tausaga, o lo o lava vaegatupe e mafai ona tagofia e fesoasoani ai i le tulaga o le tausiga o le aiga ina ua retire mai le galuega sa masani ona faigaluega ai.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

E pei foi ona silafia, e moni o lo o tele vaegatupe ua invest e le NPF, i le Komiti Faatonu faapea foi le Pulega ma le faamoemoe lava ina ia ave a tatou tupe i ni atinae e tele se tupe maua e toe faaola mai ai ina ia fesoasoani lava i le tulaga lea ia faamautinoa ia tele se vaegatupe e oo atu i le taimi e retire ai pe ua malolo le o lo o faigaluega, a ua lava se vaegatupe e mafai ona tausi ai le aiga ma fai ai fesoasoani masani, e le gata i Ekalesia, ae faapea foi nuu ma alaalfaga.

Lau Afioga sa fai feutagaiga a le Pulega ma le Komiti Faatonu a le NPF faapea foi le vaega Tumaoti le Afaipisinisi. O le toatele lava o i latou sa lagolagoina leni faamoemoe, e ui sa i ai foi nisi e faapea pe le mafai ona toe faaumiumi le taimi e fai ai siitaga, a ua talitonu le Malo ua tataua ona faagasolo le galuega leni a ia amata pea i le aso 1 o Iulai i le tausaga nei, a i ai nisi fetuugaiga aua o lo o taua foi o lo o tapena se tulaga lea e taua e tatou o le minimum wage mo le afaigaluega. Sa tatalo mai foi le vaega tumaoti pe le tataua ona toe tuu atu i tua se i fai muamua le siitaga lea o tofogi pito maualalo, e fuafua foi e latou pe gafatia e latou ona faatino le siitaga lea toe faapoo atu i ai ma le pasene e tasi o le saofaga i le NPF. O le finagalo lava o le Malo ua i ai, e tataua ona amata pea ia Iulai, le masina o i luma le amataga o le tausaga faaletupe leni, a i ai nisi tulaga e toe manaomia ai se toe fetuugaiga ma le faatalanoaina, o lo o avanoa pea lava e toe i ai ni Teuteuga i le Tulafono i lena taimi pe a faapea ua talafeagai ma manaomia.

Lau Afioga, o le toe faapuupuua atu lea o le faamalamalamaga. E pei foi ona silafia e lau Afioga, sa fai le tatou semina foi lea a sui usufono uma lava o le Palemene, o lea foi sa auai mai le Pule Sili ma le Pulega o le NPF ina ia faamalamalama atili le manaoga o le Tulafono, ma mafuaaga ua ala ai ona tatou faapea, ua tataua ona tatou toe laasia atu loa nisi tulaga i luma ina ia mautinoa lava, ia lava ma tofote tupe e tagolima i ai o tatou tagata faigaluega pe a oo i le taimi ua malolo mai ai, po ua retire mai galuega o lo o faatino.

O le faapuupuua atu lea lau Afioga o le faamatalaga e uiga i leni Tulafono Tau Faaofi. Faafetai.

**FOFOGA FETALAI:** Malo faafetai. Ia, ua manino le folasaga a le Afioga i le Minisita ma ua faapena foi, sa faamanino foi le tulaga o leni lava mataupu i le tatou semina. O le soifuaga lava e le tumau i se mea e tasi, e laalaa i luma e faailoa ai le manuia, e le gata i atinae a le Malo ae faapea foi i atinae o pisinisi ma alamanuia.

Se i tulai mai le sui usufono mo Anoamaa Sisifo.

**Tofa Hon LAUOFO FONOTOE NUAFESILI PIERRE LAUOFO (Anoamaa Sisifo):** Lau Afioga i le Fofoga Fetalai, faafetai mo le avanoa. E fia tulai foi leni sui usufono e fai sina upu puupuua e lagolagoina ai leni Tulafono Tau Faaofi. E momoli atu le faafetai i lau Afioga i leni taeao ua maea ona e sulaina paia o le lagi, ua momoli foi mea i Matautusa, aua so tatou sao ia Manuvao. O lea ua maleifua mai ai le Maota i pue o manu i leni taeao ae le o pue o mala. Faamalo faafetai i lau Afioga, ma e faatalofa atu i sui usufono mamalu o le Palemene, faapea foi le faafogafoga mai a Samoa.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

Ae ua tulai ma le faaaloalo lau Afioga e fai se manatu puupuu e tusa ai o lenei Tulafono. E momoli atu le faamalo i le Afioga i le Minisita o lo o nafa ma le faalapotopotoga o le NPF. O lea ua manino auofala, ua manino foi le tulaga ma le faamoemoe o le anoni o lenei Tulafono. A o faamaumauga o le NPF pei ona maua i tatou Lipoti, o le 2017 na mauaina ai e le NPF le vaegatupe e \$73miliona mai ana saofaga, faasolo mai le 2018, ua sii foi i luga lea fuainumera i le \$78miliona. E momoli atu ai le faamalo i le galuega lelei faatino a le Pulega faapea foi le Komiti Faatonu ma le Afioga i le Minisita. E tele tupe o lo o maua, ma o lo o i ai le latou target faamoemoe po o le isi tausaga, lua tausaga ua ausia le \$100miliona i tupe e aoina mai saofaga a tagata faigaluega faapea foi Kamupani ma Falefaigaluega o lo o galulue ai.

E faamauiina le latou tupe maua po o le tupe faasili e \$43miliona i le 2017, oo mai i le 2018, ua ausia tupe faasili e \$46miliona. E faamalo atu aua o lea e foliga mai o lo o i se tulaga lelei le tatou NPF i ana tulaga tau tupe. E momoli atu ai le faamalo ma le faafetai.

O le siitaga foi o le tulaga i saofaga e pei ona i ai, o lea ua saunoa malamalama lau Afioga i le Minisita. Na pau lava o lea, o la matou tuualalo ma le fautuaga, se i toe silasila foi lele i le tulaga o pasene o lo o maua e nai tagata fai saofaga i tausaga taitasi, aua pei o le masina o Iulai i tausaga taitasi e maua ai le pasene lea, a o le vaiaso lea ona amata foi lea o le masina o Iulai, pe fia se tatou pasene e maua e nai o tatou tagata faigaluega. E matagofie foi le vaavaai atu ua sii i luga a latou saofaga, ae feoloolo foi se latou return e maua mai i siitaga o saofaga. Aua o le tausaga na tea nei, o lea e maua pei e 10%, a o isi tausaga i ona tua atu pei a o lalo i le tai 8%, 7% pe a sa masani ona i ai. Afai foi la e siisii i luga sina pasene e faamanuia ai latou, o se tulaga fiafia foi lea mo nai tagata faigaluega latou.

Ua saunoa lau Afioga i investment, ua tele investments a le NPF, e i ai investments lelei, o poloketi po o atinae o faafaigaluega ai tupe a le NPF, ae pei lava ona silafia e lau Afioga pei o le pasene foi lea o le return e talafeagai ma lelei, po o le 15% le return i le investment. Ae pei o lea e tau maua atu i faamaumauga ma lipoti, o le taimi nei pe na o le 3% lea e maua i le return o le investment a le tatou atinae lea e invest ai le NPF. Ia se i silasila lelei i ia vaega i tatou poloketi ma galuega o lo o inivesi i ai ina ia lelei se pasene e maua mai aua foi nai o tatou tagata faigaluega.

Lau Afioga i le Fofoga Fetalai, e pei o ni nai manatu puupuu ia e amata ai lenei taeao. Ia manuia le tatou Fono.

**FOFOGA FETALAI:** Malo faafetai. Ia, se i tulai mai le sui usufono mo Vaimauga Sasae.

**Afioga SULAMANAIA FETAIAI TAUILILI TUIVASA (Vaimauga Sasae):** Ou te masalo e momoli le agaga faafetai a lenei itumalo i lau Afioga i le Fofoga Fetalai, mo le taitaiga foi o le Fonousu a le atunuu aemaise foi o le Taitai ma lena Itu o le Maota.



26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

E matau lava ma le totoa o lenei ua atoa lelei le vaiaso o feagai lenei Maota ma le soalaupulega ma le talanoaina o se manuia o Samoa ma ona tagata. O lea foi ua maea ananafi ona pasia le Tala o le Tupe aua le tamaoaiga o le atunuu. E momoli atu ai le agaga faafetai i lau Afioga i le Fofoga Fetalai i le tautuaina o le Maota, aemaise foi le Taitai ma lena Itu ma lenei foi Palemene aoao.

A o se manatu o lenei itumalo e faigofie lava ona e momoli le faafetai i le Minisita ma le Ofisa Sili o Pulega ma le Pulega o le NPF, ona o le aumai pea o ni Tulafono i totonu e matimati ai lo tatou atunuu aua se manuia o tagata. Ae a matau i le sini autu o le tulaga ua manao ai le NPF, ia siitia tupe maua mo le taimi e litaea ai le tagata faigaluega. E pei o i lea e faavae ai se manatu ma se tuualalo a lenei itumalo. O le tele lava o matai Samoa ma tatou, e le fia manao e teu umi ni ana tupe, aua foi o ia lea e tua i ai le aiga, e tua i ai le nuu ma le itumalo i mea e fai. Ae matau lava ma le totoa e lenei sui usufono e pei ona saunoa foi le sui usufono ananei, o lea e alualu pea i luma a tatou tupe maua, o lo o fau ma soloi le tamaoaiga o lo o i ai le tatou Matagaluega, ae ala ona fai ni siitaga ona o ni mea e fuafua. A o lea e matau atu e lou sui usufono, o lea e i ai tatou tupe maua ma tupe faasili a lenei Matagaluega, a o lea foi ua toe siitia le tulaga lea, toe aumai ma le sini autu mo le faamoemoega mo le taimi e litaea ai, e le taupulea lea taimi. E pei o le agaga lea e tau avatu ai, o tatou o matai Samoa e tua uma i ai alo ma aiga i le taimi e manao ai, a o lea o le a teu teu, ae oo ifo i le taimi e oti ai, o ai e seleseleina lea tamaoaiga?

E avatu foi se tuualalo i lau Afioga i le Minisita, se i silasila ane lava i le tulaga lea o le Private Sector. E lagolagoina e lenei itumalo le siitaga i le Malo lea, a o tua i le Private Sector i le tulaga lea ua aumai e siitia ia Iulai. Pe le mafai ona alu loa le Malo ae tuu ai pea le Private Sector ia tau faalaititi laititi lava le alu lea e alu faatasi ai ma le Malo. Ona o tatou o le Malo o lea lava e.....ona o le popolega o le sui usufono o lea ua vaai i le vaea o aufaigaluega, i tagata e faafaigaluegaina o latou tagata. Ona e a? E muamua lava vaea ona o lea foi o le a pay le isi faasiliga e le tagata e ona le pisinisi lea. O le popolega lena. O ai e muamua? E muamua lava tagata pito i lalo. E pito i lalo e muamua lava vaea e le ona le Kamupani po o le faafaigaluega. A o fea la e tua i ai le atunuu? O tagata ia e pito i lalo e maua ai le falaoa ma le pata a tatou aiga. E sau loa le siitaga lea, fai mai loa tagata, "ia lava la le toalu ae vaea uma le tovalu". O ai e tua i ai? E toe tua mai foi ia i tatou. O le tuualalo pe le mafai lava ona siitia le Malo i le siitaga lea i le taimi lenei, ae tau tuutuu laititi lava le faatelegese i le Private Sector.

O pasene, e matau lava le tatou NPF, e avatu ai le tuualalo i lau Afioga, o a tatou lava tupe ia e o atu toe nono mai ai nonogatupe foi na e... ae matautia le pasene lea e charge ai. E na o se tuualalo, e a pe a tuutuu i lalo, e alu atu le tagata ia o lana ia lava tupe ae aumai le tului. O le tului lea ou te talanoa ai lau Afioga i le Minisita. Pe le mafai ona silasila i ai i le tului pe alu i le 5%, e faapena aua o la ta ita lava tupe. A le toe totogia, o la e i ai la ta tupe la e i ai i o, e ave ifo e faauma ai ma cover ai lea tulaga.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

E pei o le tulaga lena, e laititi lava se tuualalo a lenei itumalo. Ona o lou manumanuga i tagata faigaluega, ma lou vaai i le tulaga lea. A o le agaga o lau talosaga, o lea ua tele a tatou tupe ia e i ai i le NPF. O le investment lea ou te naunau i ai, ou te lagolagoina ai le toe faatau o nisi fanua o le tatou atunuu. O nisi fanua o le Malo ua faamatuu atu i nisi o kamupani, po o nisi foi o..... o a tatou aseta ia tatou te tua i ai, ou te manao ia toe maua mai. Leaga o la taimi sa vaai atu ai..... aemaise i totonu i talafatai o lo tatou atunuu, o totonu o le taulaga. Ua tele fanua o le Malo ua..... ae o le agaga pe le mafai ona toe tuu le avanoa i le NPF e toe maua mai ai nisi foi o pisinisi o le a lailoa atu ai i le tele o aitalafu. Pe le mafai ona tagolima atu i ai le tatou NPF, aua o aseta ia e tua i ai tatou. E alu alu lava ua gau lea kamupani po o lea pisinisi....., Ou te le naunau e ave i fafo a tatou tupe e invest ai. Leai o totonu lava o le tamaoaiiga o lo tatou atunuu, i nai aiga ua alu alu lava kamupani ma pisinisi ua gau. O le a le mea e le faamuamua ai o tatou lotoifale, ave i ai le tupe e totogi ai le aitalafu a le kamupani lea, ae aumai lea pisinisi e fai ma aseta a lo tatou atunuu, e toe maua ai foi galuega ma lisi mai lava e maua ai tupe ma faafaigaluega ai o tatou tagata. Lau Afioga i le Fofoga Fetalai, o si manatu laititi lea o lenei itumalo e lagolagoina ai le suiga ua aumai e le Afioga i le Minisita o Tupe.

**FOFOGA FETALAI:** Faafetai lava i lau Afioga i le sui usufono mo Vaimauga i Sasae. Toe toalua sui usufono.... Se i tuu atu muamua le avanoa i le Minisita o Tupe

**Afioga Hon SILI EPA TUIOTI:** Lau Afioga, faapea ua tele foi fesili, e sili lou vave tali atu i ai i te i foi ua toe laga mai e nisi o sui usufono o le Palemene.

O le tulaga lava e pei ona i ai, e momoli atu le faafetai i sui mamalu i le lagolagoina o le Tulafono, ua tuuina mai foi nisi o fautuaga e tataua ona tagatagai pea i ai le Pulega faapea le Komiti Faatonu o le NPF. E pei ona silafia le tulaga maualuga o lo o i ai saofaga ma le tupe o lo o maua, e pei foi ona taua e se tasi o sui usufono. O le tausaga lea na tea nei e tusa e 10% le tupe lea na toe faafoi atu ia tatou aufaisaofaga. E tusa e \$54miliona o le tupe a le NPF, lea na toe tufa atu i tua i le aufaisaofaga. O lenei tupe e le faapea o tupe a le aufaisaofaga lea ua toe faafoi atu, e leai, o tupe ia na maua mai i tupe ua teu invest e le NPF, i le tele o pisinisi ma kamupani ma i latou ia. E pei foi ona silafia, o le tele foi o nonogatupe o lo o fai sao atu lava e le NPF ia tatou Kamupani Tumaoti. Ma o lo o faapena foi....sa fesoasoani ia le NPF ina ia faamatuu atu se vaegatupe i le Faletupe o Atinae ina ia mafai e le Faletupe o Atinae, ona tali atu i manaoga foi o le mamalu o le atunuu, i le faia.....i le faatinoina lea o a latou atinae. O lo o fuafua o le tausaga lenei le 10% o le tausaga talu ai, masalo a maualalo se tupe e toe totogi atu i tatou aufaisaofaga, o se mea pe 9%. Ae talosia foi e 9% i le 10%, o lona uiga e latalata atu foi i le \$50+miliona, le tupe o le a toe faasoa atu e le NPF i tatou faiga saofaga.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

Na ona toe faamanatu atu, e le faapea o lea ua toe faafoi atu tupe a le aufaisaofaga, ao tupe ia o lea e maua e le NPF e fai ai investments i totonu o le atunuu faapea foi i atunuu i fafo, o lea ua toe faafoi atu i le saofaga. Masalo o se tala fiafia lena mo le aufaisaofaga i lenei tausaga. Faatalitali mai e pei ona ou taua a le 9% ua 10%, e le toe alu i lalo. Ua uma aso ia sa tai 3% tai 4%, ae ona o le tulaga lava lea o le invest tau o a tatou tupe, ina ia faapea ona faafaigaluega i taimi uma ina ia faapea ona faafaigaluega i taimi uma ma maua ai le fesoasoani mo i tatou.

O le saunoaga i le tulaga lea po o le a le mea e le taofi ai le siitaga mo le vaega tumaoti, ae fai pea na o le siitaga i le Malo, ou te talitonu e le o se mea amiotonu lea tulaga, e tatau lava ona fai faatasi uma. Ua uma foi ona talanoa ma le vaega tumaoti, o lea ua malilie le Komiti Faatonu ma le Pulega a le NPF mo le ono masina lea o le a amata ai le totogiina o le 1% faaopoopo, o lea o le a aveese le tulaga o surcharges ia na i ai, ona o isi e le i comply i le faatinoga o galuega ia, ae o lea ua tuu i ai le ono masina, e aveese uma ai surcharges mo late payments. Seia oo ia Tesema, o le a galulue faatasi ai foi le Pulega o le NPF ma kamupani, i le tulaga o le fesoasoani ina ia faamalamalama atili ma le tulaga ina ia faafaigofie ia laititi le cost o le administration o le faatinoga o lenei siitaga.

E pei foi ona silafia, o le NPF o se tasi lea o shareholder i totonu o le tatou Submarine Cable Company. E tele lo latou sao i ai, o latou foi lea e i totonu o le Digicel Mobile e auala atu i le kamupani o le CSL Mobile. Ao fuafuaga lava foi, o lo o taumafai lava pea e ala ona le invest, teu a tatou tupe i totonu o Samoa, leaga e le o lava ia ni kamupani po o pisinisi e mafai ona avatu i ai a tatou tupe. O le mafuaaga foi lena o lea ua tatou galulue faatasi ai foi ma le kamupani a le Bluesky, ma le vaega lea a Fiti ADH. E tasi lena investment o lo o tele le tupe o lo o maua mai ai, e fesoasoani ai i le tulaga lea o le faamauualuga pea o a tatou tupe, ia mafai ona fesoasoani i o tatou tagata i le taimi e malolo ma retire ai ina ia lava se vaega tupe o lo o i ai.

O le tulaga o nonogatupe ia o lo o i ai nei, e moni lava o lo o toatele pea le mamalu o le atunuu o lo o omai e faapea e tala atu NPF ona o tulaga foi o maluu, o isi tulaga eseese e pei ona tatou masani ai. O lo o taumafai lava le Pulega ina ia faapea ona tali atu. Ae tatau lava ona faamautinoa e i ai se vaega e aua ne i pau mai i lalo ona o le tulaga lena. Atonu foi o lea ua faafofoga atu le Pulega a le NPF i tulaga o tului, atonu o se mea lena e tatau ona toe tilotilo atili i ai. O le tali atu lena i nisi o mataupu na laga. Faafetai.

**FOFOGA FETALAI:** Malo faafetai. Toe toalua sui usufono ia ona.....

**Tofa OLO FITI AFOA VAAI (Salega Sasae):** Lau Afioga i le Fofoga Fetalai, e puupuu lava se matou manatu lau Afioga i le Fofoga Fetalai. O nisi vaega ia ua manino mai i le saunoaga a le Minisita o le NPF faafetai. Ae i lau matau lau Afioga i le Fofoga Fetalai ma le paia o le Maota, o le Faalapotopotoga lea o lea e sulu i ai lo tatou atunuu. O a lava a tatou Commercial Banks, ae pei o i lava lea tatou te sulu faatasi i ai.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

Ia te au lava, po o fea lava e aga i ai le tatou NPF ma ni a latou fuafuaga, o lea lava tatou te matauina le ola mai o le tatou atinae lea. E momoli atu ai le faamalo i le Afioga i le Ofisa Sili ma le mamalu o le Matagaluega i lo latou finafinai i le tulaga o le faiga o le tatou Faalapotopotoga.

E lua nai vaega lea ou te fia tautala i ai, e pei o le mea lea ua saunoa mai le Afioga i le Minisita, pe oo atu i se taimi ua sii se 1% o le mea foi lea e tufatufa mai. Ua matuai tele le miliona a le tatou NPF faulalai tupe, tuu i ai se 5% se i tufatufa mai ma tatou. O le isi vaega lau Afioga i le Fofoga Fetalai, o mea nei o nonogatupe, e na o se tuualalo atu. Ona o lea e taga tutusa uma ia mea ia o tului i le aufaisaofaga i taimi e fai ai a latou nonogatupe. Pe a pe a faasolosolo foi lea....

**FOFOGA FETALAI:** Malie le sui usufono o lo o saunoa se i tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielega:** E le o maua atu le tuualalo po o le fautuaga a le sui usufono. E 5% e faasoa mo tatou? ou te le i maua atu, o ai e faasoa i ai le 5%?

**Tofa OLO FITI AFOA VAAI:** Faafetai, o tatou uma lava ma le aufaisaofaga. Ae pei ua ou oo mai i le vaega lea o le faiga o interest o loans. E na o se fautuaga lava e taatia atu ae le fai ai so matou manatu. E pei o lea a faapea e faatulaga mai i le 10% ia le interest o loan a le aufaisaofaga uma, o lo matou manatu. E a pe a fua i le taimi o le tautua. A faapea o le a amata ona faigaluega le tagata, agai i le lima tausaga talu ona tautua 10% , sefulu agai i le sefulu lima ua pau mai i lalo i le iva. O le toatele o tagata ua tele lo latou sao i le atinaeina o le NPF ma le atunuu, ua taitolusefulu tausaga o fai a latou nonogatupe, ae o lea lava e tumau i le 10%. A o le taimi lena, fua i le tautua, e oo atu i ina ua lava se 5% a nai toeaia ma nai olomatutua o la e galulue ua leva, ua afu la latou tautua. E pei o se matou tuualalo lea lau Afioga i le Minisita. Ma le agaga faaaloalo faafetai tele mo le avanoa.

**FOFOGA FETALAI:** Tulai mai le sui usufono mo Palauli le Falefa.

**Afioga Hon FAUMUINA TIATIA FAAOLATANE LIUGA (Palauli le Falefa):** Faafetai lau Afioga i le Fofoga Fetalai mo le avanoa. Faafetai foi i le Afioga i le Minisita o Tupe mo le folasaga malamalama. E pei e autu le taofi i le igoa lea ua faaigoaina ai le Faalapotopotoga o Faaputugatupe mo le Lumanai Manuia o Tagatanuu o Samoa. Ou te faafetai atu i le tofa mo le atinaeina o lea foi Faalapotopotoga a lo tatou Malo o lo o fesoasoani atili i le tamaoaiga o le atunuu. O le a le alu la sou manatu i vaega ia na laga ina ia faapuupu ai lo tatou taimi. E pei e agai lou tulai i le vaega lea e tau o falefaigaluega ma le aufaigaluega (employee and employer).

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

Lau Afioga, o lea sa taua le tulaga e ono aafia ai galuega. Ou te iloa e le aafia galuega pe a silasila lau Afioga ma le Faalapotopotoga o Faaputugatupe mo le Lumanai Manuia, i le tuusao o ni faaunegatupe e atinae ai kamupani lea latou te faatupulaia galuega. O le isi foi vaega, o le faatagaina lea o le tuuina atu o tupe o lo o totoe i le Development Bank ma le Faalapotopotoga o Fale a le Malo ona o lenei itu, a lava ni tupe e tuuina atu i le Faletupe o Atinae, o lona uiga, o le a mafai ona faatupulaia atinae o pisinisi laiti, o faatoaga ma isi vaega, e mafai ai ona atinae ma faatupulaia galuega i totonu o le atunuu. Aua e tasi lea mea lau Afioga i le Minisita, i le taimi lenei ou te leiloa pe ua latalata i le 37 po o le 38,000 le aufaisaofaga.

Afai la o le vaega lea lau Afioga i le Fofoga Fetalai, afai e 6 pe toa 7 tagata e lavea i le tagata faisaoafaga e toatasi, ua tatou faitau i le sili atu i le 200,000 tagata ua faamanuiaina ai. Aua a fai e faavae i luga o le census lea sa fai i le 2016, 6 i le tagata o le aiga i le tagata faigaluega e toatasi lea e lesitala. Taatia ia le vaega lea e le o faamauiina, ae tatou te talanoa i mea ia e tua i ai lo tatou Malo. O lona uiga o le tele ia o le fesoasoani o le atunuu atoa.

Lau Afioga, ou te faafetai i le Malo i le Afioga i le Minisita o lo o feagai ma Pisinisi, Alamanuia ma Leipa, i le faasaofagaina o tagata ia e o i le RSE. E tasi lea faaopoopoga, a faatupulaia pea tagata ia e o i fafo, lea foi e lavea ai ma le vaega lea o tatou seila, o lona uiga, ua aapa atu lava le Malo e aumai tagata nei, e puipui ma fai saofaga i le SNPF mo lona lumanai manuia. O le tasi lea faafetai i lau Afioga ma Minisita o lo o feagai ma nei matafai, o le matua tamaoaiga o le faatofalaiga.

Lau Afioga e pei o lea na taua pasene o le mea lena a le Board, lau Afioga ma le Pulega. Vaai nai tagata vaivai mo a latou small loans, tuu tuu i lalo le tului. O latou tonu lava ia e urgent latou needs, ao tagata vaivai foi ia e pito i lalo le tului o latou totogi, e faamama avega i small loans. Tasi ia mea o lo o tua i ai o tatou tagata, i le totogiina o pili on fanau i le Iunivesite, o le aufaigaluega i le taufaasoa o lo latou tamaoaiga mauualalo

Ou te lagolagoina le Tulafono. E 10,000 tagata faigaluega o lea e faigaluega i galuega a le Malo. O galuega e 5,500 Faalapotopotoga Tumaoti, ae 4,500 le aufaigaluega a Matagaluega a le Malo, ae o le isi 30,000 i le Private Sector. Ia ua tuu atu i ou aao, e fai i ai lau fuafuaga aemaise se lumanai manuia o tatou tagata. Faafetai i lau Afioga i le Fofoga Fetalai.

**Tofa Lealailepule Rimoni Aiafi:** Lau Afioga i le Fofoga o le Fono...

**FOFOGA FETALAI:** Malo, se i tulai mai le sui usufono o Faleata i Sisifo.

**Tofa LEALAILEPULE RIMONI AIAFI:** Faafetai lava i lau Afioga mo le avanoa, e le fia nofononofo foi i lenei Tulafono taua ua aumai. Faafetai atu ai i lau Afioga i le Minisita aemaise le Pulega o le NPF. O le NPF i lou talitonuga o le lafoga, it's an indirect tax. Na pau lea o le lafoga e alu sao lava i le manuia o tagata. E te lafo lava e oe lau lafoga mo oe lava ia.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

Ua leva ona tatau ona faatino lenei tulaga, ua leva ona tatau ona o tatou oo i le siitaga lea mo tatou tagata. A vaai i ai, o le tele o nai tagata ia e toatele ai lea aufaigaluega o nai tagata e \$20,000 pe i lalo ane o latou totogi. A o lea la na talanoa nisi faapea ia sii i luga le latou tului po o le dividend o faamanuiaga foi lea e maua mai i le... e le mafai ona siitia i luga pe a le siitia foi a latou saofaga.

O le Malo, o le Malo o le paaga lea i pisinisi uma lava i totonu o soo se atunuu. E fai paaga le Malo ma soo se pisinisi. E leai foi la se agaga o le Malo ina ia faamamafa avega i pisinisi, ae ia galulue faatasi ina ia mafai ona... aua a tupu pisinisi e tupu foi galuega, tupu foi le manuia o le Malo ma tagata lautele. A fua foi i ai i le pasene lea e faaopoopo e 1% i le tausaga, e fua pasene ma lafoga a le Malo e fua i le tupu o le tamaoaiga o le atunuu.

O lea e tuu mai i le saunoaga a le Minisita i le Tala o le Tupe, e 3.9% le faatupulaia o le tamaoaiga i le tausaga o lo o faasolo nei. Ua i ai le faamoemoe e sii atu i luga o le 4 i le 5% i le tausaga fou ona e fua i le tele o fonotaga, o taaloga a le Pasefika ma isi atinae ia e fuafua mo le tausaga fou. O lona uiga, o lo o faatupulaia pea le tamaoaiga, ua tatau foi la ona ave se faamanuiaga mo tatou tagata, e fua i ai e le o tele e na o le 1%.

E momoli atu ai le faafetai tele i le lototetele o nei tagata e fai nei faaiuga, aua o tatou uma lava e iu lava ina litaea malolo ae o i ai se mea e tua i ai. Pau lava lau tuualalo i lau Afioga, e tatau foi ona faapaleni foi i le isi itu. E lagolagoina finagalo a nisi o sui usufono, e fai ma vaai tului o aitalafu o personal loans a tagata, aemaise lava i nai tagata mo le totogiina o pili o aoga, atinae o aiga, e tatau lava ona tilotilo i ai ina ia tau tuu tuu laitiiti ane i lalo.

Ae faafetai tele o lea ua maua le tatou 10% i le tausaga na tea nei, ta te alofa i le Susuga i le Ofisa Sili, aua e tatau ona alu ai pea. E tatau ona tumau i le 10% ia ma lau Afioga i le Minisita, aua a leai, ua tatau foi ona malolo oulua. Ae faafetai tele e avatu ia le lagolago a lenei itumalo, faamalo lava i le Tulafono ua tuuina mai. Manuia le Fono faafetai.

**FOFOGA FETALAI:** Malo, ia se i tulai mai le Palemia.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, se i fai atu sina au faaopoopo ona tali atu ai lea o le Minisita e ana le Tulafono.

O le Tulafono lenei, na tupu ae se mafaufauga, ina ua fai le tatou penisione i le 20 tausaga talu ai, ona tupu ae lea o le manatu ina ua tatou aeae i le manaia o le suamalie o le 10% lea na sii i ai le tatou penisione. Na ona tau lava o le penisione ae o le NPF lava. Ina ua oo la ina ua tatou aeae ai ma tatou iloa ai le suamalie, ona tupu ae lea o le manatu faatupu manatu o le NPF, ua tatau foi ona faamatuu atu le manuia lea i tua, alu foi latou i le 10-10, 10% le tagata faigaluega, 10% le kamupani o lo o galue ai. Talu ai ua suamalie tele i sui usufono le taimi e litaea ai, ae sau le penisione oka, o le matua tele o le mea. E faatau ai lau taavale, fai ai lou fale fou, ae e le mafai la e le tagata ona faatino le mea lena, ao tumau pea i le 5% lana saofaga, 5% ia, 5% ia le falefaigaluega.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

O lea la ua sii tatou, 10% 10% foi le fale faigaluega, o le Malo lea, lea la na tatou aeae ai nei ua silia i le 20 tausaga o tatou inuina le meli o na foi fuafuaga na fai e le Malo. Ae sau le tali a le NPF, lea na faatino i le 2 ea pe 3 tausaga talu ai, ave tai sene, sa tuu i le 6, tuu i le 7. Ia lea la ua 8, 9, 10 fai taitasi, ae mafua i se a? Mafua i le palaaai. Sa tatau ona vave ona tuu i luga, ae o le palaaai lena, e mafua mai i le faalotovaivai mai o pisinisi sa o e talanoa. Ma o pisinisi ia, e le mananao lava e faaalu se tupe i ni mea faapea.

E oo lava i totonu o le Kapeneta ina ua talanoa, na fai ma tolo, fai ma tolo, ona e i ai foi isi faipisini ia e saofafai i totonu o le Kapeneta, o la e foi i le nofoaiga talu ai, o la foi ua manatu latou i a i latou lava, ae galo ai le mea lea. O le tagata vaivai ia, e vaivai lava, e faapena ona manatu e vaai masei, i le sene lea o le a tuu mai i lona totogi e \$1, ae e le o vaai i le manuia e na te maua. Ae o le Malo la, le Kapeneta e vaai mamao, e mamao lana vaai.

O lea ou te manatua pe fa ea Fono, lima ea Fono o la e finauina lava le mea lea, ina ia tofo foi le tagata faigaluega, o lenei na 5 sene mai lava i le 1972.

Tausaga 1972 ina ua faatulai le NPF, tele le tetee, ou te manatua o le galuega lea a matou sa fai i lona taimi, 47 tausaga talu ai. O lona uiga o le tagata ua 60 i le taimi lenei, e na o le 13 tausaga i le taimi na pasia ai le mea lea. O lona uiga o la e Kindy, ae o lea sa matou feoai ai e faatalitonu tagata o le mea lelei le fai o le NPF, aua o le taimi lena, e na o le pau lava tatou mea na i ai i le taimi na o le Super, e ave i o i le Malo o Niu Sila. E le gata i lena, e na o le Colonial Neutral Insurance o lea foi e fai a latou pisinisi iinei na ala ai ona manatu i le taimi lena, e tatau ona fai ni a tatou Faalapotopotoga, taofi ai le tupe i Samoa nei, aua ne i toe alu i fafo.

O lea na amata ai ona faatu le NPF 1972, faatu i le 1976 le tatou Inisua, e le gata o le Pacific Insurance mo accidents o faalavelave faafuasei ae faatu foi ma le matou WSLAC e taofi ai tupe iinei, ina ia tua i ai kamupani, e fai ai latou nonogatupe a tagata taitoatasi, o latou ia o lea e fai a latou inisua.

Aua o le taimi lena, na o le tasi lava le faletupe. E te fiu e te alu atu e tauanau, e ui lava o le faletupe o Samoa. E te fiu e tauanau, ou te manatua le taimi na ou alu ai... e toafa matou, e toatolu, e matou te o e fai ia se matou loan e \$4,000. Fai mai le tala a le palagi ia matou i le 1970, e toatolu matou, where are you going you three musketeers? Ua tau matou o three musketeers. Ia na oso ifo ai lea o lo ta ma, ae toatolu matou ae na o le \$4,000 le matou nonogatupe e fai faatasi e faatau ai se matou fanua. O fanua ia sa faatau i Vaitele, o le tulaga lena o le faigata o mea nei o nonogatupe. Lea la na faatu ai loa le NPF, ua fiu e tauanau i lona taimi sui usufono aua o iinei le ki ma le tatala, aua a le pasia, ua oti atoa le NPF, ona fai ai lea o le faatosina, o le faatosina e na o sui usufono e tala ai le latou NPF pe a uma le latou term. Uma le 3 tausaga, o le tele ia o lona faatosina i sui usufono, aua foi e tala atu loa latou NPF fai ai loa ia latou oo i o latou itumalo.

O lona la na faigofie ai ona pasia le mea lea. Ae leai lava se isi e manao i le tipiese o lona totogi i se Faaputugatupe mo le Lumanai. Ia o lona sa outou silafia i lona taimi le faigata o mea nei o le tau suega o ni tupe e faatupe ai galuega e le tatou Malo e o i fafo e nono mai ai i le ADB.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

O le tulaga la, e 5% mai a lea i le 1972, ae o lea faatoa sui atu lava talaatu ananafi i le NPF, na fai atu i ai e tuu i luga i le 10sene le saofaga a le tagata, 10sene foi le Malo po o Falefaigaluega, ae fai mai, amata ia i le 6sene, tuu i ai le sene e tasi, toe faaopoopo le isi sene. Ia lea la po ua lua ea tausaga talu ai lea na 7sene ai loa, lea la ua oo nei ina toe faaopoopo le isi 3sene, ae se i vaai i ai i le umi o tauanau nei mea, a o le palaaai e mafua ai. A o lea la ua tatou aeae ai nei, o lea foi la e taumafai ai ina ia malamalama i ai tagata, aua o le mea moni lava, a le amatamea atu le Malo, e leai lava se kamupani e nofo nofo faapea mai, tuutuu i luga le saofaga.

O lea la ua amatamea atu le tatou Malo, tuu i luga saofaga, aua a le tuu i luga i le 5sene i le 6sene i le 7sene. O lea o le a 8sene, toe oo i le isi tausaga 9sene, toe oo i le isi tausaga 10sene. A oo loa la i le 10sene, ona 10sene lea e aveese mai lau \$1 e tasi, 10sene foi la e tuu i totonu e le kamupani po o le Malo. A leai la le mea lea, e leai foi se mea e aumaia mai o, o le sao o le kamupani. O le ala lena e taua tele ai le Tulafono lena, faamalo foi i le Afioga i le Minisita. A o le pasene lea e tasi, sene e \$1, lona uiga a \$100 lau tupe e maua i le vaiaso ua \$10 lou sao, e le o se sao e ave i se isi, a o le sao o oe e te toe tua i ai i le taimi e te litaea ai. Ona tuu mai foi lea o le \$10 a le falefaigaluega, po o le Malo po o kamupani i tua, o lea la ua faaopoopo. A le avatua la lau \$10 e le aumaia foi le isi \$10, ona \$20 ai lea o lau tupe ona faaputuputu ai lava lea. E oo ane la i le taimi e te litaea ai, ua tele le mea e te tua i ai.

Lau Afioga i le Fofoga Fetalai, e faigofie lava le mataupu. O lea la ua fuafua e 1sene e amata ai toe faaopoopo le isi sene toe faaopoopo le isi sene, ona maua ai lea o le 10sene, ae lafo mai foi e le kamupani le isi 10sene, ona 20sene ai lea i le \$1. O lona uiga semeamanu na o le 10sene a o lea ua faaopoopo mai le tupe a le kamupani.

Lau Afioga i le Fofoga fetalai, o le a la le mea lea ua tupu? Manaia lava le saunoaga a le sui usufono mo Anoamaa Sisifo ma ia taua ai le tupe lea ua mafai ona maua i le taimi lena, e \$80miliona, faapea e le umi ae \$100miliona. O le a le mea e taua ai le mea lea? O le mea lea, o lea ua tele le tupe e tua i ai tagata uma e fia atiae, le aufaipisinisi, o kamupani. O lona uiga, e toe aeae ai lava kamupani ma pisinisi nei, e o e nono mai ai i i tupe aua e sili atu ona tau i ai le tulaga fetalai i i le pulega a le NPF nai lo faletupe ia o fefaatauaiga taipei o le ANZ. A o le taua o galuega faa-NPF, e vaai i le mea e sili ona tele ai le tului e maua mai toe faaso. E le o ni tupe laiti ia e faaso, o tupe tetele, lea e toe faaso atu ia i latou e ana saofaga. A o lea foi la ua note, ua tasi le mea lelei, tasi le mea sao a le Afioga ia Levaopolo. Ou te alu a i le igoa lea leaga ou te fiafia tele i ai. O le tulaga lea sa ou toe fesili ai lava, po o ai tatou, ona ou manatua ai lea, e i ai foi a tatou NPF po o a tatou penisione, o lea e i ai. A o lea la ua ou vaai atu o la ua tatalo i o, lona uiga la faatoa tasi le mea sao a Levaopolo. E silasila pea i ai i le tulaga lena, aua o tatou uma lava, e le faapea o tatou foi lea e faatupu manatu i le manuia o tatou tagata lautele. O le isi mea lea, ua ou faanoanoa a i le manatu lea faapea, e o le NPF e faatau mai pisinisi a tatou ua gau.



26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

O le mea lena e le mafai le mafai ona oo i ai le NPF e fai, o le o e fai ni mea gau. Aua a o e faatau mai ae gau, o lona uiga e gau foi. O lea o le a oti uma ai lava le 20 fia afe o tagata lea e teu a latou teugatupe i i. O le ala lena, e matua loloto le faatautaiga ua fai e le Ofisa Sili ma le NPF ina ia teu a latou seleni i ituaiga atinae e le gau ai le NPF, aua na ona tau o le NPF ae o lona uiga o lea o le a gau uma ai i latou uma e ana saofaga ia e fai.

O lona uiga, e matua taua tele ia i latou le silasila totoa i mea e tataua ona maua mai ai tupe faaopoopo e faateleina ai saofaga ia e fai ma toe alu atu ai, o le \$54miliona e le o se tupe laitiiti. Ae faapena le tulaga o mea nei o pulega o faalapotopotoga e i ai faletupe ma faalapotopotoga nei o lo o nono atu tupe, e i ai foi le Tulafono e mulimulitui i ai latou e faataoto atu e le tatou Central Bank, le Kovana i mea o faiga foi ia e faatino ai galuega. E i ai lava le faaeteetega i ina i le soona fai o se mea e tulai mai ae ono gaugau tetele ai, aua na ona talanoa i le tuumama o tului, ona laga mai foi lea o latou uma, aua e faapena lava se mea, e fai atu loa se mea mo nisi ona laga mai loa lea, aua tou te faimea faapito, tuu uma i lalo ma tului o a matou nogatupe. O le atunuu lena o le atunuu o lea e faavae i luga o Tulafono ina ia taumafai e faalaugatasia tagata uma. O lou Ofisa, o le matua tele o tagata e sulufai atu i ai i le mea lea o le manao, manao. A o tatou la, e tatou te faufuatua ia i latou, aua o le toatele o latou ia e manao i mea ia, e maua ane o la e nono i le faletupe o le ANZ, o la e nono i le faletupe o le South Pacific, o la e borrow i le faletupe o le National Bank, Samoa Commercial Bank, o la foi e nono i le Faletupe o le Atinae, a o la foi e nono i le NPF, o la foi e nono i isi teugatupe a le papalagi lea mai Amerika. O le mea lea ua i ai le tatou atunuu, e i ai lava tagata ua le iloa faatulaga lo latou soifua, ua le iloa ola i le tulaga e tataua ona ola taofiofi ma fua le peleue i le ie o lo o mafai ona maua.

Sa ou talanoa i totonu o le Maota lena i le isi tagata Sinia o le Matagaluega o Leoleo, na sau ia te au faamolemole pe mafai ona ou faamaonia lana nonogatupe. Ou fai atu, e fia lau tupe la e maua? Fai mai, e silia i le \$2,000 i le lua vaiaso. O le a la le mea o fai i lau tupe? Ia, e alu le isi mea e totogi ai lau nogatupe i le isi faletupe, ou faalogo atu, e aofia uma a faletupe, aofia uma ai ma faalapotopotoga. Ona totoe ai lea o lau fia? Ona totoe ai lea o le \$2. E toafia lau fanau? E toafa. E faapefea la ona ola lau fanau i le \$2 lea? Ia e leai se tala. O lau tala na ou fai i ai, ua e iloa le sao, aua ne i ou toe vaai ia oe, o le mea moni, ua tataua ona sack oe mai le Matagaluega o Leoleo, ua tataua ona aveese oe mai le Matagaluega o Leoleo, aua o tagata faapea, e alu atu loa lea e totogi tupe ae tiai faila, tiai loa. E maua i i tagata e le faamaoni, ua le iloa ona faatonutonu le soifua.

O le lauga la lea na fai e le isi faipule lea i le taeao nei, o lauga e atili ai ona agai i le faaletonu tagata ia, o mea o lauga foi lele e te taumafai e fia lelei. Tuu le mea lena o le fia lelei, fai upu sasao ina ia maua ai le aoaoina o i latou e vaivai. Lau Afioga i le Fofoga Fetalai, e taua tele le Tulafono, ma e lelei foi ona silafia e le tatou Maota le amataga o le Tulafono.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

I le taimi nei, o lea ua tele le seleni e tua i ai le aufaipisinisi. E oo foi la i le vaega o le aufaipisinisi ia e pei e tau tetele ona e le fia faia le mea lea, o lona uiga e le fia fesoasoani i le aufaigaluega. Aua o mea nei, a oo i le taimi e toe tala mai ai mea, o ai e manuia ai? E toe manuia ai lava le aufaipisinisi. A o le iuga foi o nei teugatupe uma, e atili ai ona tele le investment pool, le tupe e toe tot i ai le aufaipisinisi ma i latou e moomia seleni tetele mo a latou atinae. E taua tele le Tulafono lea pei ona amatamea ai le Afioga i le Minisita faapea foi le Pule ma le Komiti Faatonu o le tatou NPF.

**FOFOGA FETALAI:** Malo faafetai. Tulai mai le Minisita o Tupe.

**Afioga Sulamanaia Fetaiai Tauiiili Tuivasa:** Lau Afioga i le Fofoga Fetalai, faamolemole pe maua se avanoa.

**FOFOGA FETALAI:** Ia, e manatu o lea ua saunoa le Malo. Malie le sui usufono e le toe feifofoiai le tatou galuega o lea ua tali le Malo.

**Afioga Sulamanaia Fetaiai Tauiiili Tuivasa:** Ioe, leaga o le uiga o lata tulai atu leaga e matuia tuuaiga lea ua saunoa i ai le Tama o le atunuu i lenei sui usufono, faapea e fia lelei le sui usufono mo Vaimauga.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga ou te le i tauina le sui usufono...

**FOFOGA FETALAI:** E leia se mea o taua ai lou suafa. O lea a na e le tulai mai lava oe e le iloa o oe lea e faasino i ai le saunoaga.

**Afioga Sulamanaia Fetaiai Tauiiili Tuivasa:** E leai, leaga o lea sa avatu sao lava lou manatu pe maua se avanoa leaga o la e faalogologo lou itumalo, o le lauga a Vaimauga e le lauga fia lelei, e lauga mo le manuia o Samoa aoao.

**FOFOGA FETALAI:** Malie lau Afioga i le sui usufono mamalu, e le o lau Afioga lea e faatatau i ai...A lea e vivii atu e le Palemia lau saunoaga. O oe le isi saunoaga manaia matautia lea e i ai. A o lona ua e toe nofo a oe ma toe tuu oe i lalo i lau saunoaga. Ae faapena foi lau vaai i le tatou Fono, o oe le isi sui usufono laalaa i luma lea ua i ai i le taimi lenei. O le mea la lea, a e usitai mai i le Fofoga Fetalai ou te fai atu e to lou pulou e te tulai mai lava ma tuu atu le avanoa.

**Afioga Sulamanaia Fetaiai Tauiiili Tuivasa:** E ui a ina taufaasee na saunoaga, ae o le sui usufono lenei e tumu i le ava i le Nofoa ma le Maota lenei. O le a ou nofo i lalo ma ia tuuaiga matuia faapea.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

**FOFOGA FETALAI:** Faafetai. Ia faamanuia le Atua i le sui usufono. Tulai mai lau Afioga i le Minisita ua maea foi mea uma sa saunoa i ai le Palemia, ae faaiu mai lau saunoaga faamalamalama.

**Afioga Hon SILI EPA TUIOTI:** Faafetai i lau Afioga i le Fofoga Fetalai. O lena foi ua tele le toe faaopopo o le faamalamalama a le Afioga i le Palemia, i le tulaga i le tau amataina mai o lena faaputugatupe ona o le vaai mamao lava ina ia maua le soifua manuia o tatou tagata, aemaise le aufaigaluega i le taimi e malolo mai ai ma litaea ae o lo o lava se vaegatupe e mafai ona tagolima i ai aua le tausiga o aiga.

Lau Afioga, e pei ona taua muamua, e tele le sao o le NPF i a tatou kamupani tumaoti, a tatou pisinisi. E pei ona silafia o lo o i ai foi faamaumauga a le NPF, o le \$54miliona lea na totogi le dividend i sui, o le tele o le vaegatupe lena na toe alu i totonu o le private sector i tulaga tau faatau ma tulaga faapena. O lona uiga o lo o tele foi le manuia o latou i le dividend ae le gata i lena e tele tatou kamupani tetele faapea foi kamupani laiti o lo o nono sao lava i ai tupe a le NPF. O le tele foi o taimi e sili atu ona lelei tuutuuga o nonogatupe ia a le NPF i lo isi o tatou commercial banks o lo o i ai. O lona uiga o lo o tele lava le fesoasoani tuusao a le NPF i le tele o a tatou pisinisi, e pei foi ona taua i tausaga ua mavae o lo o ave le fesoasoani a le NPF e fesoasoani ai i le Development Bank, ina ia lava se tupe e faasoa atu e tali atu ai i manaoga o le toatele o le mamalu o le atunuu o lo o manaomia vaegatupe. E pei foi ona ou taua, o lo o i ai le fuafuaga, o lo o faatali se fautuaga mai le Komiti Faatonu ma le Pulega po o le a le dividend o le a maua i lena tausaga. A o lau tau iite i ai, e le i lalo o le 8% ae le i luga atu foi o le 10%. Lona uiga o se band manaia tele lena, ua le toe pau mai i lalo o le mea sa i ai, masalo po o lea vaiaso po o le vaiaso i tua o le a faapena ona fai ai se faasalalau a le Pulega o le NPF e tusa ai ma lena vaegatupe tele o le a toe tuu atu i tua aua lava le manuia o i latou o lo o fai saofaga.

Lau Afioga, pei foi ona faatalanoa e tataua ona toe tagai le Malo i le fesoasoani tau tupe fesoasoani ai i le Samoa Housing Corporation, aemaise lava i le tulaga foi lea o le faatupeina o fale mo nai o tatou aiga. E le gata la i fale e fai i luga o fanua faa-Samoa a o fanua foi nei ua maua nei i vaevaega ia ua lata mai lea sa taua e toe tilotilo i ai. Ia atonu foi o se avanoa lena ua tatou faatasi ai ma le Afioga i le Ofisa Sili o le NPF, atonu o se avanoa foi lena e mafai ona toe tagatagai i ai i se auale e mafai ona fesoasoani atu i ina, aua o latou a ia o le Development Bank lea e agai i ai le toatele o tatou tagata i le sailiga o tupe e fai ai latou pisinisi. O le Housing Corporation o se mea taua tele, atonu o le a talanoa pea i ai i le tulaga foi lele faa-faiga faavae mai le Malo i ni fetuunaiga ina ia mafai ai ona fesoasoani foi le NPF i na vaega taua o le tatou tamaoiga. E faapena foi i le fuafuaga lea e fai e le Malo i le tatou fesoasoani lea i a tatou fanau ua o atu i le tatou Iunivesite, popoto, lelei maka, maua avanoa e o ai e sikolasipi, a o le faalavelave ua faigata ona faaauau aoaoga ona ua maualuluga tele totogi o pili, e le gata o le totogi o pili, o le resitalaina, a o le totogi o suega.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

Atonu o se tasi lea avanoa atonu e tagatagai foi i ai le Pulega ma le Komiti Faatonu a le NPF, atonu e ono galulue faatasi ai le Ofisa o Tupe ma le NPF ma nisi foi faalapotopotoga a le Malo tatou te faasoa atu ai se vaega faapea e fesoasoani ai i a tatou fanau i le tulaga o le aoaoina. E pei foi o le tatou taiala 2040, o le tilotilo lava i le tulaga ina ia tele tatou investment e le gata i le soifua manuia lelei, soifua maloloina o tatou tagata, a ia faapea ona lava le aoaoina. Atonu o fuafuaga ia e tatau ona toe tapena i ai. Atonu foi a maua se tonu, po o se taimi o le Supplementary Estimates o le a toe logo atu ai a outou Afioga.

O le tatou NPF, e mafai lava e nisi, aemaise i latou ia e faifeau o Ekalesia. E masani foi ona ou talanoa atu i le matou Ekalesia Metotisi, masalo a pasi loa le aoao mai Piula, e maua loa le alauni aua e sau faigaluega i le Ekalesia maua ai sina alauni, e leai a se mea e taofia ai le aoao ua pasi ua faigaluega i totonu o le Ofisa po o se isi foi ua tofia e alu lava ia e fai pea lava lana voluntary contribution i le NPF e faaputupu e ia lava ia. A oo la i le taimi ua malolo manumalo ai po ua 40 tausaga o fai pea lea saofaga i ai i le... masalo o se tupe tele, e le gata ina maua le penisione mai le Ekalesia, ae sili ma tele atu le penisione e maua mai le voluntary contribution lea e fai i le NPF. A o lo o faafofoga mai foi le Ofisa Sili o le NPF ina ia toe tagatagai atu a i le tulaga lea, e maua foi le faamalosiua i aoao ma i latou o lo o faigaluega ina ia mafai ona tele se latou...

**Afioga Hon Faumuina Tiatia Faaolatane Liuga:** Lau Afioga i le Fofoga Fetalai, leai na ona ou... o le taua ia o le mataupu lea ua saunoa i ai le Afioga i le Minisita, leaga o lea foi sa ou faatalalanoaina i faifeau o le matou foi Ekalesia ina ia fai ni a latou voluntary contribution i le NPF. O le mea la e i ai i le NPF lau Afioga, a faapea o le tagata fai saofaga tuusao a pei o totogi, a faapea e tupu ai se faalavelave taeao, e entitle i benefits. Ae a tupu se faalavelave i le faifeau lea po o le tagata lea e voluntary, faatoa entitle pe a uma le lua tausaga. Se i silasila ane lava i le mea lea. Atonu e tele foi le vaega lea o le a mafai ona omai latou te faaogaina le mea lea, pe afai e entitle tutusa ma tagata fisaofaga tumau. Ma lou faaloalo lava.

**FOFOGA FETALAI:** Malo. Se i tulai mai le Minisita.

**Afioga Hon SILI EPA TUIOTI:** Faafetai lava mo fautuaga. Ia atonu e pei ona ou taua o lo o tatou faatasi ai ma le Ofisa Sili o le NPF, ia o mea uma a nei, e le tatau ona tumau tatou, e tatau ona tatou vaai i ai? o a manaoga o le tatou atunuu? o a ni teuteuga talafeagai? e mafai ai ona tatou faasoa atu le manuia i o tatou tagata e le gata o i latou e malolosi, a o e foi e vaivai le tamaoaiiga, ina ia faapena ona maua se avanoa e mafai ai ona faatino e latou, ae aua le faatalitali faapea se i omai le Ekalesia e fai se faanoi pe mafai ona fai na saofaga.

Lau Afioga i le Fofoga Fetalai, e faapena foi le mataupu taua lea i...

**FOFOGA FETALAI:** Se i tulai mai le Palemia.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faalua**

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, masalo o se tuualalo taua tele lea o lea foi e faafogafoga mai le Ofisa Sili o le NPF, ua tataua ona fai ni a latou faatalanoaga faalauaitete, aemaise lava le itupa lea o faifeau ma i latou foi o la e aoga Faafaifeau ina ia malamalama lelei i le tele o le aoga o Faalapotopotoga nei a le tatou Malo, aemaise lava le NPF, o la foi e i ai le Faalapotopotoga o Mea Tau Fale ma le ACC, mea o Faalavelave Tutupu Faafuasei. E lelei ona fai se faatalanoaga faalauaitete, se semina, workshops, ona valaau lea i ai. Ou te masalo ua 38 nei le aofai o Ekalesia, ina ia faamalalama i ai le tele o mea nei aua e tele lava le fesoasoani mo latou, ae matua pumoomoo lava le lalolagi la e i ai, avatu foi ma i latou foi e potu faapitoa i le vaaiga o tupe, aua o mea la e i ai i le tele o Ekalesia, e aveane tagata e le malamalama i mea tau tupe, ona aveane lea lote tupe. E tasi lenei mea o lea e fai nei ma lape o mea nei o faalapotopotoga, aemaise le taimi lenei ma le faaogaina o taiala ia o good governance, pulega lelei, ia manino le faaaluina o tupe, ia fai ni a latou Tausitusi ina ia manino ai i a latou Fonotele. Aua o le mea lea e i ai, e i ai le agaga foi lele e o ane pea faifeau e lote, ma tele ai a le faaletonu e tulai mai, ona o lea ua lote e i latou e le i aoaoina i ia mea. O le ala foi lenei e ala ai ona taua tele i totonu o le Malo i ana faalapotopotoga tulai mai avanoa, a leai lava sou tomai i lea matafaioi ma lea matafaioi e te le maua se tofiga maua. O le ala lenei e taua tele ai le faatupu manatu lea ua aumai e le sui usufono, e tele manuia ia e i ai i Institutions ia e faatu e le Malo, ae le o agai mai i ai le malamalama pei na o le Tusi Paia lava ma le pulelaa la e agai i ai toeaia, ae le o malamalama i mea ia faalelalolagi lea tatou te lotea. O le taua o le fautuaga ina ia faia ni faatalanoaga faalauaitete. O le fesoasoani atu lea lau Afioga.

**FOFOGA FETALAI:** Malo. Tulai mai le Minisita.

**Afioga Hon SILI EPA TUIOTI:** Faafetai i lau Afioga i le Fofoga Fetalai. O se vaega taua lenei. Sa faaiu atu lau faamatalaga i le tulaga lava lea i faafitauli o nonogatupe i le tele o aitalafu, aua e faapena foi le toatele o le atunuu e o atu ia te au i lou ofisa, pe mafai ona ou faatonuina le Ofisa Sili o le NPF ina ia avatu se tupe e totogi ai aitalafu. A o le tulaga lenei toetiiti lava soo uma faletupe o le tatou atunuu ma Finance Companies o lo o aitalafu ai i le tulaga lenei. A o le mea o lo o manaomia, e manaomia le faalauiloa. E i ai le tatou vaega foi lea o le financial inclusion, o lo o taitaia lea e le Kovana o le Faletupe Tutotonu o le Malo. O tulaga lenei o lea e masani ona tatou talanoa ai, ae ua tataua loa ona ave i ai le faamuamua i le taimi lenei, e o i tua e faatalanoa i nuu ina ia faapea ona malamalama ai le mamalu o tatou nuu i le tulaga lea e tau taofiofi tulaga ia tau i aitalafu. Ma o le mea mautinoa lava o le isi faafitauli tele e le o maua ni tulaga foi lea i ni aseta e mafai ai ona faamau aitalafu nei, ae tataua ona toe galulue pea pei ona saunoa le Afioga i le Palemia, faalauiloa ma faatalanoa ina ia maua ai se malamalama e fesoasoani ai i le tulaga lea o le manao i tupe talu ai ua le mafai foi ona faatino aitalafu.

26 IUNI 2019

**Tulafono Tau Faaofi o Teuteuga o le Tulafono o Kamupani Tausi  
Mavaega 2019 - faitauga faalua**

O le tasi lena faafitauli o lo o feagai pea ma o tatou tagata i tatou nuu ma alaafaga. A ia galulue tausolomua i latou o lo o vaaia tatou Matagaluega ma Faalapotopotoga nei, se aua tatou te faatalitali se i omai o tatou tagata, ae taumafai ona fai ni polokalame faalauiloa, o i tua faapena ona faamatala e malamalama ai. Ou te talitonu a tatou faapena ona faia, o le a faapena foi ona malamalama o tatou tagata ma fesoasoani ia i latou i le tulaga tau tupe.

O le faafetai lea lau Afioga mo le avanoa e faamalamalama atu ai le Tulafono Tau Faaofi e pei ona faataatia nei.

**FOFOGA FETALAI:** Malo saunoa i lau Afioga i le Minisita o Tupe.

*Na faamaonia le lafo ma faitauina le Tulafono Tau Faaofi o Teuteuga o le Tulafono a le Faaputugatupe mo le Lumanai Manuia o Tagata 2019 i lona faitauga faalua.*

**FOFOGA FETALAI:** Ia, ona o lea ua tatou taunuu i le tatou malologa masani, o le a faataatiaese Galuega a le Fono Aoa o Faitulafono mo lana malologa masani.

*Na faataatiaese Taulumaga a le Fono Aoa o Faitulafono mo lana malologa masani i le itula e 10:45 i le taeao ma toe amatalia i le itula e 11:30 i le taeao.*

**FOFOGA FETALAI:** Ou te faasilasila atu ua toe amatalia Taulumaga ma Galuega a le Fono Aoa o Faitulafono. E faia le malologa ua maea ona faitauina faalua le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019.

**TULAFONO TAU FAAOFI O TEUTEUGA O LE TULAFONO O  
KAMUPANI TAUSI MAVAEAGA 2019 - faitauga faalua**

**FOFOGA FETALAI:** Ou te tapa lau Afioga i le Minisita o Tupe. Tulai mai faamolemole.

**Afioga Hon SILI EPA TUIOTI:** Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani Tausi Mavaega 2019 i lona faitauga faalua. Ma ou te fia tautala faamalamalama i ai.*

*Faalua e le Minisita mo Aoga, Taaloga ma Aganuu.*

**FOFOGA FETALAI:** Ou te tapa ma le faaaloalo lau Afioga e faaauu lau saunoaga faamalamalama.

26 IUNI 2019

**Tulafono Tau Faaofi o Teuteuga o le Tulafono o Kamupani Tausi  
Mavaega 2019 - faitauga faalua**

**Afioga Hon SILI EPA TUIOTI:** Faafetai i lau Afioga i le Taitaifono, pei ona silafia o le Tulafono lea m lo o mulimuli mai, o nai Teuteuga pupuu ia ma o lo o vave manaomia, ina ia faapea ona faaleleia atili le tatou Tulafono Autu e faatatau lava lea i le SIFA. E pei ona silafia le Faalapotopotoga lenei, o le taumafai lava ina ia o tatou tali atu i manaoga mai le OECD ma le Faalapotopotoga a le atunuu o Europa le European Union, ina ia faapea ona tatou toe tilotilo ia tatou Tulafono, ina ia fai ni nai teuteuga laiti, ina ia ogatasi le tatou Tulafono ma nisi foi o aiaiga ua tuuina mai e i latou ina ia faapena ona tatou usitaia nisi o vaega mo le faatinoina o nei kamupani.

Mo le silafia e le mamalu o le Palemene o lenei Tulafono Tau Faaofi, e teuteu ai le Tulafono o Kamupani Tausi Mavaega 2017 o le Tulafono Autu lena. O le Sini Autu o le Tulafono Tau Faaofi, ina ia faamanino atili aiaiga e faasino i le faaleaogaina, po o le toe faafoiina o se laisene o se kamupani e tuuina atu auaunaga faatausi mavaega, po o o se kamupani. Ua faapea ai foi ona aiaia mo teuteuga lautele po o le tulaga ogatasi o faasinomaga o faaoga i totonu o le Tulafono Tau Faaofi, ma e faapea foi ona toe teuteuina ai le igoa faasamoa o le Tulafono Autu, ina ia ogatasi ma le igoa ua faamaonia e le Kapeneta.

O le Fuaiupu 2 o le Tulafono lau Afioga ua toe teuteuina ai le Fuaiupu 28 o le Tulafono Autu, e ala lea i le faaofiina o se palakalafa fou i totonu o le Fuaiupu 2 ma faasaoina ai faasinomaga o i totonu o le Fuaiupu 5. O le Fuaiupu 3 lau Afioga ua teuteuina ai le Fuaiupu 30 o le Tulafono Autu ina ia faaofiina ai se Fuaiupu 2 fou, e aia ai i le faamatalaga o le uiga o upu faamatalaga ua atoatoa. Ma le Fuaiupu mulimuli o lo o i ai le suiga, o le suia ai lea o le Fuaiupu 39 o le Tulafono Autu e uiga i le faaleaogaina o se laisene o se kamupani e tuuina atu auaunaga faatausi mavaega po o se kamupani i le pulega. Lau Afioga e pei lava ona ou taua, o isi vaega o fuaiupu o lea ua i ai teuteuga ona o le tulaga lava ina ia faapea ona faaopoopo i ai nisi o fuaiupu fou ina ia faaleleia atili le tatou Tulafono. Ua teuteuina foi le Fuaiupu 51 o le Tulafono Autu ina ia faaofiina se palakalafa 14 e faapea, o tiute o se kamupani o faaogaina auaunaga tau mavaega i lalo o le Tulafono Autu e faaoga i se kamupani o faaogaina auaunaga o lea o le a ia puleaina ao lumanai ai le amata faamamalu o le Tulafono Autu. Lau Afioga o se faamalamalama puupuu lea i ai i le tatou teuteuga o le Tulafono. E pei foi ona silafia ua uma ona tagofia e le tatou Fonotaga faamalamalama lea sa auai sui usufono faapea le pulega o le SIFA, ou te talitonu ua malamalama atili ai i le auga o lenei Tulafono teuteu. Faafetai.

**FOFOGA FETALAI:** Malo faafetai. O le fesili pe o le a faitauina nei le Tulafono Tau Faaofi o Teuteuga o le Tulafono o Kamupani Tausi.....Tulai mai le sui usufono mo Alataua i Sisifo.

**Afioga ALIIMALEMANU ALOFA TUUAU (Alataua Sisifo):** Lau Afioga i le Fofoga Fetalai, na o le fia faia se manatu laititi e faaopoopo i le saunoaga a le Minisita, ina ia lagolagoina ai le Tulafono.

26 IUNI 2019

**Tulafono Tau Faaofi o Teuteuga o le Tulafono o Faaputuga Oa Faavae  
Resitalaina 2019 – faitauga faalua**

Ona e talitonu o le faamoemoe ma le teuteuga i le tapenaga, o lea e i le Tulafono lea ma le isi lea e mulimuli mai. O le taua lava o le faamalieleina lea o aiaiga Faava-o-Malo o lo o fesuisui mai i lea vaiata i lea vaiata. E talitonu o le vaega lea o lo o agai i ai teuteuga o aiaiga e ala ai ona lagolagoina tele le taua o leni Tulafono. Ona o aiaiga ia Faava-o-Malo e faatatau i le aoaoina aemaise le fetufaaiga o faamaumauga nei tau lafoga ma laisene. O Faalapotopotoga ia aemaise Faava-o-Malo lea, le OECD lea na taua e le Afioga i le Minisita, e talitonu o lo o faagasolo le iloiloina o Samoa e le OEC i leni vaiata. Ma e faamoemoe le faamaonia o le lipoti leni i le iloiloiga o le faamaonia o le Tulafono leni, mo le toe iloiloina o Samoa i le faaiuga o leni tausaga. E maua luga ai la le faamoemoe o le a siitia se tulaga o Samoa ma lona usitaia o aiaiga a le OECD, pe a maea ona tatou pasiaina le Tulafono. O se faaopoopoga lea e lagolagoina ai le Tulafono e pei ona opea i Maota. Ma le faaaloalo lava faafetai.

*Na faamaonia le lafo ma faitauina le Tulafono Tau Faaofi o Teuteuga o le Tulafono o Kamupani Tausi Mavaega 2019 i lona faitauga faalua.*

**TULAFONO TAU FAAOFI O TEUTEUGA O LE TULAFONO O  
FAAPUTUGA OA FAAVAE RESITALAINA 2019 - faitauga faalua**

**FOFOGA FETALAI:** Tulai mai lau Afioga i le Minisita o Tupeí

**Afioga Hon SILI EPA TUIOTI:** Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o le Teuteuga o le Tulafono o Faaputuga Oa Faavae Resitalaina i lona faitauga faalua, ma ou te fia tautala faamalamalama i ai.*

*Faaluaina mai e le Minisita o Faamasinoga ma Pulega Tau Faamasinoga ma le Minisita mo Aoga Taaloga ma Aganuu.*

**FOFOGA FETALAI:** Ou te tapa lau Afioga i le Minisita o Tupe mo lau saunoaga faamalamalama.

**Afioga Hon SILI EPA TUIOTI:** Faafetai i lau Afioga i le Fofoga Fetalai, e pei ona taua i isi Tulafono lea ua tatou talanoa i ai muamua atu. O aiaiga lava leni o lo o fai ai feutagaiga ma le OECD, ma le tulaga foi lea ua malosi foi le naunau mai o le EU, ina ia faapea ona tatou usitaia ia tulaga ma aiaiga Faava-o-Malo. Ina ia faapena ona mautinoa foi, o lo o tatou mulimulitai i ai i ia manaoga o lo o ua faataatia atu ai foi le Tulafono leni, e fesoasoani i le toe teuteuina o le Tulafono o Faaputuga Oa Faavae Resitalaina 2016 o le Tulafono Autu. Ma o lo o i ai nai fuaiupu na e ono, o lo o ua faaopoopo i ai nisi o fuaiupu fou. O le naunautaga lava ina ia tatou mafai ona tatou tali atu i nisi o manaoga mai le OECD ma le EU. O le mea moni lava lau Afioga, e le na o Samoa o lo o afaina i tulaga nei, e faapea foi Fiti, Rarotoga ma isi atunuu.



26 IUNI 2019

**Tulafono Tau Faaofi o Teuteuga o le Tulafono o Faaputuga Oa Faavae  
Resitalaina 2019 – faitauga faalua**

E tele foi isi atunuu o le lalolagi, ae o le tulaga lava latou e i ai, a o faagasolo pea suesuega a le EU ma isi galuega o lo o fai e le OECD. E tatau lava ia i tatou ona tatou teuteuina a tatou Tulafono, ina ia vaai mai o lea tatou te proactive ma ia mafia ona o tatou tali atu i manaoga o lo o tuuina mai e i latou ina ia teuteu atili ia Tulafono.

Lau Afioga sa faia foi se talanoaga ananafi i le matou Ofisa, sa i ai le sui o le Ofisa o Tupe, Ofisa o le Loia Sili, Ofisa Sili ma le aufaigaluega a le Matagaluega o Tupe Maua, faapea foi le Matagaluega o Pisinisi ma Alamanuia. O le taumafai lava lea i le tatou tilotilo i luma, i le tulaga o lo o tupu pea developments i totonu ona o le taumafai lava o le EU ina ia taofiofia le toe faia o ituaiga pisinisi nei a tatou. O le taumafai ina ia tatou vaavaai uma lava I a tatou options, tapenapena po o le a le strategy a tatou, a tapa mai a o la ua uma ona tatou tapena. Aua e pei o le mea lea e i ai nei, e uma e lei atoa le tausaga ae toe fai mai, e leai ua tatau ona toe teuteu le Tulafono, o le Tulafono lea ia ogatasi. O le mea taua lava ia tatou tapenapena, i tulaga ia, ia fai mai latou o a suiga, ao lea ua tatou fai atu, a lea ua uma...ua maea ona sui le Tulafono, e ui lava o isi Tulafono lea ua toe teuteu nei o Tulafono foi faatoa pasia i le tausaga ua mavae. O lo o faaali atu ai pea le tulaga lea tatou te le o nofonono ai.

O lo o tatou taumafai lava ina ia faapena ona vaai mai, e leai tatou te le o tuulafoai i ai i nei teuteuga o Tulafono. Aua e pei foi ona silafia le tele o le sao o le SIFA i lo tatou tamaoaiga, i le faatupeina o tatou Tala o le Tupe, ae le gata foi i lena, o le tele o fesoasoani a le SIFA lea e avatu e fesoasoani i tatou taaloga Faava-o-Malo. E i ai le taaloga lea o le tagapolo, fesoasoani atu foi i tulaga ia o netipolo ma tulaga faapea o le tatou Pacific Games, o le taua lena o le SIFA. Ma o le taua foi lena o le proactive i le tulaga o le teuteuina ma le faaleleia atili o Tulafono. Ina ia aua lava nei tuuaia tatou faapea o lea ua tatou iloa ae e le o faia se mea, ae faafetai o lea ua maua lenei avanoa e faataatia ai i le Laulau a Fono ma talanoa i ai le Palemene. Ina ia pasia loa fesuiaga nei, ina ia faapena ona vave logo atu ia i latou ma faaauau le tatou galuega. Faafetai tele lau Afioga.

**FOFOGA FETALAI:** Malo faafetai. Tulai mai le sui usufono mo Palauli le Falefa.

**Afioga Hon FAUMUINA TIATIA FAAOLATANE LIUGA:** Faafetai tele i le Afioga i le Minisita ona o le taumafaiga o Tulafono nei ina ia mafai ai ona aveese le SIFA mai le lisi uliuli e pei ona faataatia ai i le taimi nei aemaise lava i le vaega lea o le Iuni a Europa. O le faafetai ona o le SIFA e tatau ona faaauau lana auunaga. E pei lava ona saunoa le Afioga i le Minisita i le tele o le sao o le SIFA i taaloga, ae i ai foi le sao o le SIFA i le tatou budget. E \$15miliona lea e aumai e le SIFA i tausaga taitasi e faatupe ai le tala o le tupe. O le faataua lena o le silasila a lenei Palemene, ma lagolago i tulaga faanatinati o Tulafono nei.

26 IUNI 2019

**Tulafono Tau Faaofi o Teuteuga o le Tulafono o Kamupani 2019  
– faitauga faalua**

Lau Afioga i le Fofoga Fetalai, o le isi vaega o la e fai ma tau afaina ai ia tatou faatalanoaga o atinae lea e talanoa ai le tatou Malo i isi a tatou paaga. E afaina lava i tatou i negotiations o le EBA ona o tulaga ia e uiga i le..... e faapea o lea e faasolitulafono nisi o kamupani, o lo o resitala i totonu o le tatou kamupani leni. O le mea lena e avatu ai lau lagolago i le faanatinati ma le taua o le SIFA. Faafetai o lea e le o mapu lava lau Afioga ma Matagaluega i le tau sailiga o se fofo, ina ia o ese mai ai le SIFA mai le lisi o lo o taua. Ma lou faaaloalo lava manuia le Fonotaga.

**FOFOGA FETALAI:** Malo faafetai, tulai mai le Minisita o Tupe.

**Afioga Hon SILI EPA TUIOTI:** E momoli atu le faafetai i le sui usufono na lauga mai e lagolagoina ai le mataupu. Masalo a fua i le tulaga foi lele o le stress, le lava le moe ona o tulaga faapenei, masalo o le Ofisa Sili ma le Pulega ma le aufaigaluega atoa a le SIFA, taumafai i tausaga e fia ma fia, malaga i fafo e faalauiloa, malaga i fafo e tali atu i tuuaiga ia e aumai, e le gata ia i tatou ao Faalapotopotoga faapenei i totonu o le Pasefika. E le gata i le Pasefika a o isi jurisdictions . E taua tele le galuega, e avatu ai foi le faamalo i le Afioga i le Ofisa Sili ma i latou, ia onosai. A le maua mai foi se tauai mai o i le EU ae maua mai i le Atua. Faafetai lava.

**FOFOGA FETALAI:** Malo faafetai.

*Na faamaonia le lafo ma faitauina le Tulafono Tau Faaofi o Teuteuga o le Tulafono o Faaputuga Oa Faavae Resitalaina 2019 i lona faitauga faalua.*

**TULAFONO TAU FAAOFI O TEUTEUGA O LE TULAFONO O  
KAMUPANI 2019 – faitauga faalua.**

**FOFOGA FETALAI:** Tulai mai lau Afioga i le Minisita mo Pisinisi Alamanuia ma Leipa.

**Afioga Hon LAUTAFI FIO SELAFI PURCELL (Minisita mo Pisinisi Alamanuia ma Leipa):** Faafetai atu i lau Afioga i le Fofoga Fetalai, ou te tulai atu ma le faaaloalo lava e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani 2019 i lona faitauga faalua ma ou te fia tautala faamalamalama i ai.*

*Faaluaina le lafo e le Minisita mo Tina ma Tamaitai, Nuu ma Afioga ma Agafesootai.*

**FOFOGA FETALAI:** Tapa ma le faaaloalo lau Afioga i le Minisita

26 IUNI 2019

**Tulafono Tau Faaofi o Teuteuga o le Tulafono o Kamupani 2019  
– faitauga faalua**

**Afioga Hon LAUTAFI FIO SELAFI PURCELL:** Faafetai i lau Afioga i le Fofoga Fetalai. O le Teuteuga leni o le Tulafono o Kamupani 2001, lea ua i luma nei o le tatou Maota Fono, o mea uma lava ia, e tai pe i uma o le Teuteuga o le Tulafono leni, aua lava manaoga o le Faalapotopotoga leni o le OECD. O lea foi e teuteu ai ia le Tulafono faatoa uma atu nei ona saunoa i ai ia le Minisita, lea foi e saunoa i ai le Taitaifono o le Komiti o Tupe, o Tulafono nei e tataua ona teuteu, ina ia avea ai i tatou o se atunuu o lo o faia ma faamautu ia lo latou auai ma latou aiaiga i lalo o Tulafono o le Faalapotopotoga a le OECD.

O le Tulafono la nei o Kamupani, e lua lava nai mea ia e sui, ina ia tatou comply ai i Tulafono po o aiaiga a le Faalapotopotoga leni. O le suiga muamua lau Afioga, e sui mai ai le taimi e tataua ona teu ai ia faamaumaga a se kamupani ua le o toe galue, po o ua liquidate. O kamupani o la e toe faatu i lalo o le Companies Act ae ua uma ua gau, tuu ia i ai lena upu ua gau ua le toe faia.

O le taimi la leni e na o le tasi lava le tausaga lea e i lalo o le Tulafono, ona o kamupani e teu ai ia latou records, ia ona tiai loa lea. Ae o le Tulafono la lea e tatou te i ai, ia tatou auai i aiaiga o Tulafono a le OECD, e tuu i le lima tausaga, lima tausaga ona faatoa mafai loa lea ona discard po o ua faaleaogaina. Ia ona o le manaoga lava ina ia lautele ia transparency, ina ia aua ne i lalafi, ina ia aua ne i i ai ni Tulafono ia aua ne i i ai ni kamupani, ua fai fai ua i ai ni faaletonu i latou lafoga ma latou mea faapena, tasi le tausaga toe sue mai, ua leai ni records. O lea la ua tuu atu ai i le lima ia tausaga, ia atili ai lava ona accountable i latou o na kamupani ia umi ona teu ia latou... ne i te i ua toe manaoga mai. Ia i ai ia faalapotopotoga e tilotilo i a latou faamaumaga.

O le lua lau Afioga, o le tuuina lea i totonu o le faauigaina o le upu lea o le **beneficial owner**. E le o i ai i totonu o le Tulafono i le taimi nei ia faauigaina, definition, lea la ua i lalo o le Tulafono Tau Faaofi leni, e tuu i ai i totonu le definition, o le beneficial owner. O le uiga o le Teuteuga, ia i ai se suiga o le suafa o se tagata lea e i lalo o le faaupuga lea beneficial owner, ona o isi kamupani e lesitala o i lalo o Ofisa o Loia, o i lalo o le vaega foi ia o Suetusi, tusi ai la igoa o le vaega na foi lea o le kamupani. Ae o le Tulafono leni, ia i ai lava le tagata, ia i ai se igoa, o se suafa, i lalo, o ia lea o le beneficial owner, ina ia i ai ia ni saililiga mulimuli ane, ao lea e i ai le tagata soifua, e faasaga tonu i ai ia suesuega ia.

Ia na ona pau lava lea o le lua. O le agaga lava ina ia tatou comply, ia avea Samoa o se atunuu o lo o comply i Tulafono faava-o-malo nei o lo o taumafai i ai le OECD ma le EU, ia aua ne i masalosalo ia tatou ma ni auala o fai ai a tatou pisinisi. O lea na faamalamalama atu foi e le Afioga i le Minisita o Tupe, o mafauauga lava lea o le review lea a le OECD lea na fai, ia o lea la e tuu mai ai ia latou fautuaga nei, ia ma e talosagaina lava ia pasia ia oo foi i le isi review e pei ona saunoa i ai le Taitaifono o le Komiti o Tupe, ia faaatili ai ona lelei ia le tulaga o Samoa, i le silasila mai foi a atunuu i fafo.

26 IUNI 2019

**Tulafono Tau Faaofi o Teuteuga o le Tulafono o Auupega 2019  
– faitauga faalua**

E leai ni mea piopio o fai i totonu o le tatou atunuu ma o lea e tatou te i le Palemene o Samoa, tatou afaatasi ina ia faamautu suiga ia aua le agai i luma o faiga faava o Malo o tatou ma atunuu i fafo. Ia o le faamalamalama puupuu lena lau Afioga, e pau lava na o nai suiga e lua ma lou faaalalo.

**FOFOGA FETALAI:** O le fesili po o le a faitauina nei ia le Tulafono Tau Faaofi o le Teuteuga o le Tulafono o Kamupani 2019 i lona faitauga faalua.

*Na faamaonia le lafo ma faitauina le Tulafono Tau Faaofi o Teuteuga o le Tulafono o Kamupani 2019 i lona faitauga faalua.*

**TULAFONO TAU FAAOFI O TEUTEUGA O LE TULAFONO O  
AUUPEGA 2019 – faitauga faalua.**

**FOFOGA FETALAI:** Ou te tapa lau Afioga i le Palemia.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI (Palemia):** Lau Afioga, e pei foi o le pupuu o Tulafono ia na muamua atu e faapena foi ia le puupuu o lenei Tulafono.

O le Tulafono lea, ua toe teuteuina ona o tatou taaloga ia e fai nei. O lea la e i ai ia le taaloga lea o le fanafana peiseai i lalo o le tatou Tulafono lenei, e i ai le sa o lo o i ai i le faaaogaina o isi auupega e le faatagaina. Ia o auupega la na e moomia e i latou o le au fanafana aemaise ia tatou foi aufanafana. O lea la ua fai ai le Tulafono lenei, e faamanino ai le Pule Faataga e manaomia e faamatuu atu ai se pemita, e faaulufale mai ai auupega, ona e le tusa ai ma tatou Tulafono, o lo o i ai nei. Ao auupega nei o le matua moomia lava e faaoga i le taaloga lea o le fanafana o Taaloga a le Pasefika lea o le a fai nei.

O le a faapea foi ona faatagaina ai tagata taaalo e i lalo ifo o le 21 tausaga ona e le faatagaina e le Tulafono o lo o i ai nei e tauva i le taamilosaga o le fanafanaga i le faagasologa o taaloga a le Pasefika. O lea foi la e faamanino ai, ina ia faafaigata, e na o le Minisita e mafai ona faamaonia le tuina atu o se pemita mo le faaulufale mai o auupega lea e le o mafai ona faatagaina i le Tulafono i le taimi nei, ae moomia mo Taaloga a le Pasefika. Ia faataga ai foi ma latou e i lalo ifo o le 21 tausaga e faaaogaina fana ia po o ututau mo le sauniuni atu ma le auai i taaloga faatauvaga fanafana ua faamaonia.

Ia lau Afioga i le Fofoga Fetalai, ia o le atoaga atoa lena o le Tulafono, sa taofiofi lava e le Tulafono Autu ona o le agaga foi lea e fia puipui i le faaoga sese o auupega nei. O la e silafia o lea e fai ma maua i osofaiga a Leoleo nofoaga o lo o toto faalilolilo ai mariuana, o la e maua ai ia fana faasaina nei, e leiloa pe faapefea ona oo mai i Samoa. Ia ma o le aoga foi o osofaiga ia, ua mafai ai ona ave faamalosi e Leoleo, o lea foi e fai ma fai ia tatou Amnesty o le piliota foi lea e tuu avanoa atu i tagata o lo o umia ia auupega nei e faasaina e aumai i le Malo, ia a aumai lava i le tulaga lea ua faataga atu ai, ia ona faasaoina lea ua le molia.

26 IUNI 2019

**Tulafono Tau Faaofi o Teuteuga o le Tulafono o Auupega 2019  
– faitauga faalua**

Ae o le agaga lava ia o le Tulafono lau Afioga ina ia mafai ona maua mai ia fana ia e fai ai taaloga nei o le fanafanaga, e faapei foi ona peti ai ia le tatou atunuu tatou te talimalo, ia ma faataga ai mea ia.

Lau Afioga i le Fofoga Fetalai, o le Tulafono lena.

**FOFOGA FETALAI:** Malo faafetai ua... faatuina mai le lafo ina ia faitauina...

**Afioga SULAMANAIA FETAIAI TAUILIHLI TUIVASA (Vaimauga Sasae):** Lau Afioga i le Fofoga Fetalai e pe maua se avanoa...

**FOFOGA FETALAI:** Ia tulai mai le sui usufono o Vaimauga Sasae.

**Afioga SULAMANAIA FETAIAI TAUILIHLI TUIVASA (Vaimauga Sasae):** Tulai ma le agaga faaaloalo ona o le taua tele o le Tulafono lea ua opea nei i le Maota. E i ai le manatu o lenei sui usufono e pei e faaataata lafoga lenei mataupu ae matautia lona ogaoga, ona le tulaga lea e i ai e pei o le vaai a le sui usufono, e pei o lea o le a tuusaunoa ai ia le 21 tausaga e tagofia ia le fana lenei ona o le faaaogaina i taaloga.

O le popolega la o lou sui usufono, e le mafai ona te i lava ua alu atu auai loa i le taaloga autu. Ae a tuusaunoa loa la i tausaga ia e i lalo ifo o le 21 tausaga alo ma fanau e faaaogaina ai pe taaalo ai, o lona uiga, ua mafai foi ona tagofia ma faaaogaina e alo ma fanau i taimi o lo tatou soifuaga nei. O lou popolega lea, aua o lea e pei o lea ua lilifa i taaloga le tatou Tulafono ua faataga ai ia tausaga ae le se i silasila i puipuiga o le atunuu ma le tagofia... aua o lea e matau, o alo ma fanau ia o le a taaalo, o alo ma fanau a i latou o lo o auai i le Faalapotopotoga ia o Fanafanaga, o lea e mafai ona aoina e latou. O tatou la i nuu tua ma e leai ni fana, o le popolega na o lou sui usufono, ona o lea ua avea le taaloga ma mea ua faataga ai alo ma fanau ia. O lona uiga, e faapena se manatu.

Lua, o le auina mai o nei meatau matautia pe faasaina, o le popolega o le toe o ae tuu, aua o lea o le a laiseneina e aumai, po o fea la e aumai teu malu ai. Aua a faapea e toe aveina, lelei, o le popolega lena, aua e i ai isi o lea o le a fai le laisene e aumai ai i totonu, ae uma loa taaloga ia i e afifio mai ma tala mai aao, e te i lava ua faatau mai i se sui usufono se fana a se isi la na sau. E pei o le popolega lena, o fea e teu malu ai auupega ia, pe toe o ma ave, lelei.

E pei o le agaga lena lea e popoe i ai le sui usufono. Ae e lagolagoina pe a faapea e faapatino lava, i le Matagaluega o Leoleo ma le Tiute ma latou i le teumaluina o meatau nei, ia mafai ona tatou mautinoa, ua toe o sui taaalo ma faafoi latou auupega nei i atunuu na aumai ai, ma lou faaaloalo lava lau Afioga.

26 IUNI 2019

**Tulafono Tau Faafoi o Teuteuga o le Tulafono o Auupega 2019  
– faitauga faalua.**

**FOFOGA FETALAI:** Faafetai, ia o le tau fesoasoani atu a le Nofoa, ona o le semina lea sa tatou faatasi ai, ia sa faamanino e le Afioga i le Komesina, le tulaga tonu lava lea e saunoa ai le sui usufono, ia ma le atugaluga o le sui usufono i le tulaga o le taunuu mai ma le toe faafoi o laau malosi e pei ona moomia i taaloga, aemaise foi o tausaga e 21 ma lalo ifo o latou o e faapena ona taaalo, ia e taaalo lava i luga o latou o la ua lesitala, mo le na o le taimi o le taaloga ma tulaga faapena na faamanino lelei e le... Ae masalo o lea sa tatou le auai ma lau Afioga, ia masalo o le tulaga lea, e manumanu foi le nofoa i le toe toso i tua o le tatou galuega, ia ona o lou le auai i le tatou semina. Ia ua avea lava lou tulai mai ma mea ua iloa ai e te le i i ai i le semina, ia ae lelei foi ia toe faamalamalama atu ai i lau Afioga i le sui usufono mamalu.

**Afioga SULAMANAIA FETAIAI TAUILILI TUIVASA:** Lau Afioga i le Fofoga Fetalai na ona fesoasoani atu, sa ou auai ae o mea na o mea i totonu lava o tatou o lea e fia faafofoga le atunuu, o iinei e avatu ai finagalo o tatou semina na, e na o sui usufono lava na ua malamalama ai. Ae o le mea e ao ona faamalamalama ia Samoa, ona leai lea o se tomumu ma lea sa talanoa atu le sui usufono lenei, o le faafofogaaga a le atunuu ia latou malamalama i le tulaga lea, ae sa ou auai i le semina lea faamolemole.

**FOFOGA FETALAI:** Ia malo, faafetai, o le sui usufono foi e maua le tofi i le lotu, aua le fai mea ita.

**Afioga FUIMAONO TEO SAMUELU TEO (Falealili Sasae):** Lau Afioga i le Fofoga Fetalai..

**FOFOGA FETALAI:** Ia se i... e i ai se isi sui usufono... ia masalo toe pau lea o le sui usufono e fia saunoa i le mataupu lenei, ia tulai mai ia le sui usufono o Falealili Sasae.

**Afioga FUIMAONO TEO SAMUELU TEO:** Ia ou te manatu ua manino i ulugalua ia le vaega o le Tulafono lenei, ae e na o na fia faamalamalama laitiiti aua e fai si ou tamai malamalama i tulaga o Tulafono o le taaloga. Ae faamanatu atu foi lea ma le faafofoga a le atunuu, o lo o i ai Tulafono o lo o limataitaiina ai le tatou Asosi Fanafana. Ia e faapena foi i tulaga foi ia o tausaga. Ia e le i leva atu nei ia taamilosaga sa auai ia tatou aufanafana, o lea sa pine auro ai le alii e faatoa 18 tausaga.

O le ala la lene e fai ai le Tulafono aua e le i i ai se tatou Tulafono, ina ia puipuia ai latou o lea e i ai le agavaa ma le tomai, i le taaloga lea. Ou te manatua o le 2002 na o ai le tatou aufanafana i Peretania, ua ou te i lava i le sau i luga o le speaker, o lea e manaomia le taitai malaga o le au. Ia ma lou alu ifo i lalo i le mea o i ai le tatou aufanafana, ua galo ona ave le pemita e feaveai ai fana ia, i le isi atunuu i le isi atunuu aua o auupega ia e faasa.

26 IUNI 2019

**Tulafono Tau Faaofi o Teuteuga o le Tulafono o Auupega 2019  
– faitauga faalua.**

Ae ou te alu ifo, ia o lea ua tutu leoleo ma tai ia leoleo ma tai fana i tatou tama fanafana, aua foi o lea ua le avatuina, e le i aveina ma tapena le vaega lea, ona ua muamua le alii sa tatau ona nofo ma le pemita lea e faaaliali i le malae vaalele, ae o lea ua o atu ai ia le tatou aufanafana, ua poloka ai.

O le isi la lea vaega taua, ina ia mafai ai ona faatagaina ai o tatou tagata, aua o so o se atunuu lava e fai ai le taaloga lea e mafai ona feaveai ai auupega ia. Ia ma lou faaalalo lava, ia ona ou te auai foi i le tatou asosi fanafana, e moi lava la e le i pikiina au, ae o la e lelei lava foi le fana.

**FOFOGA FETALAI:** Ia se i alofa la le sui usufono o Falealili e fesoasoani ifo i le sui usufono o Vaimauga e faamanino ma faamalamalama ia na vaega.

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI:** Lau Afioga i le Fofoga Fetalai...

**FOFOGA FETALAI:** Ia se i tulai mai ia le Palemia e saunoa i mea sa laga e sui usufono.

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI:** Lau Afioga i le Fofoga Fetalai, ou te faamalo atu i le Ofisa o le Fono Aoaofaitulafono. Masalo na amata mai i le Paeaiiga talu ai, ona faagasolo le polokalame lea e valaau uma ai sui usufono e auai i se semina, e faamalamalama uma ai lava Tulafono. O Tulafono ia o le a faataatia i luma o le Maota, ma faatalanoaina, malamalama o a mea e le malamalama ai ona fesili lea ona faalauaitele mai lea e i latou o Ofisa Sili o Pulega o Matagaluega.

I le taimi na ou faatoa tulai mai ai i le Palemene lenei, na ona faataatia lava o le Tulafono, talanoa loa, e leai se faamalamalama. Ae o le mea la sa matou faia, e taatia loa Tulafono nei, e mafafia, mafafia atu na i lo Tulafono ia. Ia tulai loa ia le matou Taitai ia Tofilau lauga loa i le faalauaitele ae o le taimi lena o lea e tope la matou faitau i le laina lua. E uma ifo ona lauga ia Tofilau ua afa ona ou faitau i le Tulafono ou tu atu lauga e na o le afa lava lea. Ia ae uma ane lau lauga, ua maea uma ona faitau e le matou laina i luma, ia ona tamaoai ai lea o le fetufaiga, ma matou avatua ai nisi o manatu.

Ia o le faavavevave la lena, na aumai ai le isi Tulafono, e 38 itulau na misi atoa o le Tulafono. O au la ou te nofo mai i o, ia ona ou tu ae lea ua oo atu ia te au le faasologa, ma faamanatu i le tausaga e 1997, faamanatu la i... ae o lea la ua matou nonofo mai i o i le Itu Agai, fesuaiga e fai i totonu o le Palemene lenei, ona ou tu ane loa lea, faasilasila i le Fofoga Fetalai, e 37 ia palakalafa o le Tulafono lea o lea e misi atoa le faa-Samoa. Ia ona o au la ou te le iloa nanu, e na o le faa-Samoa lava lea ou te faitau ai, ona ou fautuaina lea o le Fofoga Fetalai se i silasila ifo i mo mea o Tulafono ia, lea ua misi atoa ia te au le faa-Samoa, na toe tolopo ai lava le Fonotaga, 3 aso na toe tolopo ai, ae toe auina le Komiti o Tulafono e toe faasaosao ia latou paupau.

26 IUNI 2019

**Tulafono Tau Faaofi o Teuteuga o le Tulafono o Auupega 2019  
– faitauga faalua.**

Lau Afioga i le Fofoga Fetalai, ua ala la ona ou taua lea mea, ona o le faiga lea ua fai nei, ua matua sili atu ona outou tapena, lea ua faataoto e le Malo, ina ia malamalama lelei sui usufono, e oo ane i le taimi e talanoa ai Tulafono ua malamalama. E leai se mea e toe pogisa, ma o le tulaga sao lava lea. O le faipule e toe tulai mai ma toe toso le Fono ona e le i auai, ia o se tulaga e le talafeagai tele lea. E le faapea foi o le faafogafoga mai o le itumalo aua o le faafogafoga mai o le itumalo i le leotele atu o le latou sui usufono ae tu tu atu matou faasao, e na o ai toese, ai toese lava e maua ai. E matua leai lava ma ni ai faaopoopo.

O le tulaga la lea ua ou tulai atu ai, ou te momoli atu le faamalo i le sui usufono mo Falealili, o le tali tonu lava lea o le a ou tu atu ou te tali ai, lea ua tali ai ma faamalamalama le tulaga e moomia ai, ia le omai o... a omai foi la le autaaalo mai fafo, ma aumai ia latou auupega ia, ae o lea ua uma ona pasia e le Palemene lenei le tulaga e faataga ai.

E le o faatafagaloa loa foi ia le tulaga o le Tulafono, e le o faatafagaloa ia le itu o le faamaonia. O lea e taofiofi lava e na o le Minisita ina ia aua ne i... o lona uiga e leai foi se... e le o i le Komesina o Leoleo ia le faatagana lea. A o auupega ia e faatino ai le... mo mea o le... e tele lava e na o le 12 po o le 16, ae utu la e tai... o le vaega foi lea po o le tai 3 pulu po o le tai 6. A oo la ina fana ia le tifa, e fana la le tifa leaga e saosaoa e 1,000 maila i le itula, se i vagana foi la le tagata e vave, e lele ae faapea le tifa, a ua taape. E manatua mo mea o pulu ia e fana ai, po o le 12. Ia o pulu na, ou te leiloa pe 100 ia mea o tamai mea laiti na e i ai, a tau ane la i ai se tasi, po o le a lava le ela o lau fana, ae tasi lava le mea e tau ai, salalau. Ia na te i lava lea ua maua fua ai lau pine auro, ae e le lelei lau fana.

O le mea lenei ua ou faamalo ai i le sui usufono o Falealili, ua le alu e ave le mea e lapoa tele. O lona uiga e tini lava le tifa, o la lava e tau tai atu le fana. O le ala lenei ua ou faafetai ai i le tofamamao ua ae i le Vaega o Taaloga, ua tuu e alu e ave ia ato a tama, e tapena lelei mea ia ina ia aua ne i i ai se faaletonu. Ia sa ou fanafana foi, ae ou vaai atu, e leai sau mea e maua ai. Ia na vave lava ona ou puna ese. O le tulaga la lenei ou te faafetai ai i le sui usufono o Falealili, lea ua na ia talia le fesili a le sui usufono sa tulai nei.

**Afioga Sulamanaia Fetaiai Tauiilili Tuivasa:** Lau Afioga i le Fofoga Fetalai, a saunoa loa ma malele le Taitai e leai lava se tasi e toe tautala i ai. Ae ou te fia talanoa i le sui usufono lea o Falealili.

Sa fai le saunoaga a le Minisita lea le tama lea o Afamasaga ma taua ai le suafa o le sui usufono o Falealili, sa tu le sui usufono o Vaimauga e puipui ia lenei itu. Ae o le a le mea lea ua i ai? Ua faasusususu i o i le Afioga i le Palemia, ua faasusususu i o i le Palemia, ae o lea e saunoa ai... e manao le sui usufono o Vaimauga e tali mai le Palemia e ona le Tulafono ae o le tali mai lea, e pei e lagona ai le faanoanoa i le sui usufono lea, ae o se uomamae a lenei... e pei o le agaga lenei lau Afioga i le Fofoga Fetalai.

**Afioga Fuimaono Teo Samuelu Teo:** Lau Afioga i le Fofoga Fetalai...



26 IUNI 2019

**Tulafono Tau Faaofi o Teuteuga o le Tulafono o le Komisi o le Toefuataiga o Tulafono 2019 – faitauga faalua**

**FOFOGA FETALAI:** Ia malie tulai mai le sui usufono o Falealili Sasae...

**Afioga Fuimaono Teo Samuelu Teo:** Ia o mea foi e faapena ona fai, e ala la ona ou tulai atu e leaga e te i ua umi ai ma alu ia le tatou taimi ae tele ia tatou Tulafono e fia pasi. Ae lelei lou musumusu i ai ma faamanino i ai le vaega lea, ina ia malamalama lelei. Ia e faamanatu atu i le sui usufono, e le o se faasusususu. O le tala a le toeaina a matou i tua, a ua e alu e te susu, ia matua susu lava.

**FOFOGA FETALAI:** Ia e lima lua pe... ia o lea sa faatu mai e le Palemia, le lafo ina ia faitauina faalua ia lenei Tulafono.

*Faaluaina e le Minisita mo Galuega, Felauaiga ma Atinae Eseese.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o Auupega 2019 i lona faitauga faalua.*

**TULAFONO TAU FAAOFI O TEUTEUGA O LE TULAFONO O LE KOMISI O LE TOEFUATAIGA O TULAFONO 2019  
– faitauga faalua.**

**FOFOGA FETALAI:** Ma le faaaloalo ou te tapa lau Afioga i le Palemia.

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI (Palemia):** Lau Afioga i le Fofoga Fetalai ou te tulai atu e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Komisi o le Toefuataiga o Tulafono 2019 i lona faitauga faalua ma ou te fia tautala faamalamalama i ai.*

*Faaluaina e le Minisita mo Pisinisi Alamanuia ma Leipa ia ma le Kapeneta.*

**FOFOGA FETALAI:** Tapa lau Afioga mo lau saunoaga faamalamalama e tusa ai o le Tulafono.

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI (Palemia):** Lau Afioga i le Fofoga Fetalai, o le Tulafono lenei Tau Faaofi, o le Teuteuga o le Tulafono o le Komisi o le Toefuataiga o Tulafono, o lona uiga lau Afioga o isi ia o Teuteuga o tatou Tulafono Autu. O Tulafono na faatu ai le Komisi lenei o le latou galuega o le toe silasila ina ia toe teuteu uma lava a tatou Tulafono ua fai si tuai. Ua le talafeagai ma le taimi lenei o lo o ua tatou i ai, aemaise foi o isi Tulafono ua leva ona le toe faaogaina ua tataua ona soloia, ae o la lava e i ai pea i a tatou Tusi Tulafono.

26 IUNI 2019

**Tulafono Tau Faaofi o Teuteuga Eeseese i Tulafono (Faasoaina o Matafaioi Tauave i Minisita) 2019 - faitauga faalua**

O isi Tulafono na pasia i le taimi o Pulega a Niu Sila ae o la lava e faaoga ua fai si le talafeagai. O le ala lena na faatu ai le Komisi lenei, e fai ma latou matafaioi le soloia, aveese o Tulafono ua le tataua ona toe faaauau, toe teuteu Tulafono ua fai si tuai, e le talafeagai ma le taimi nei. O le Tulafono la lenei Tau Faaofi, o lo o teuteuina ai le Tulafono, o le Toefuataiga, o le agaga atoa ona o le teuteuina lea o galuega ma matafaioi tau lipoti o le Komisi. Ia ma le teuteuga o le tofiga o le Komesina, o le Komesina ma tagata faufautua, o latou ia e lagolago, i le Komisi i le faatinoga o galuega tauave.

A silasila foi la i teuteuga, e le o ni teuteuga faigata. O tiute ma galuega o lo o nafa ma le Komisi, ia faapea foi ma le latou tofiaina ia faatasi ai ma latou foi faa-konesale po o faufautua ia faapitoa mo le faatinoga o galuega a le Komisi. O le tulaga lena o le Tulafono, e le o se Tulafono e faigata, ae o le agaga atoa lava, ia faafaigofie ma siitia le faatinoina o le latou galuega e tali vave mai i le faafouina o tatou Tulafono ua tuai. O le agaga atoa lena lau Afioga i le Fofoga Fetalai, e leai se mataupu lavelave o i ai, a o le Tulafono foi o se tasi o Tulafono ua uma ona soalaupuleina ma faamalamalama i le Fonotaga sa fai i le semina a le Palemene nei, ma i latou o Alii ma tamaitai loia o le Ofisa o le Toefuataiga faapea foi le Loia Sili.

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Komisi o le Toefuataiga o Tulafono 2019 i lona faitauga faalua.*

**TULAFONO TAU FAAOFI O TEUTEUGA ESEESE I TULAFONO  
(FAASOAINA O MATAFAIOI TAUAVE I MINISITA) 2019  
– faitauga faalua**

**FOFOGA FETALAI:** Tulai mai lau Afioga i le Palemia.

**Susuga Hon TUILAEPA AUUEA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ou te tulai atu ma le faaaloalo e faatu le lafo, *Ina ia faitauina nei le Tulafono Tau Faaofi o Teuteuga Eeseese i Tulafono (Faasoaina o Matafaioi Tauave i Minisita) 2019 i lona faitauga faalua ma ou te fia tautala i ai.*

*Faalua e le Minisita mo Pisinisi, Alamanuia ma Leipa ma le Minisita mo Galuega, Felauaiga ma Atinae Eeseese.*

**FOFOGA FETALAI:** Ma lou faaaloalo ou te tapa lau Afioga mo lau saunoaga faamalamalama.

26 IUNI 2019

**Tulafono Tau Faaofi o Teuteuga Eseese i Tulafono (Faasoaina o Matafaioi Tauave i Minisita) 2019 - faitauga faalua**

**Susuga Hon TUILAIPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, o le mafuaaga o lenei Tulafono o lo o faataoto ai aiaiga ua talosagaina i le Tulafono Tau Faaofi, nisi o Tulafono ina ia ogatasi ma le faasoaina o matafaioi tauave e Minisita ua faia e le Palemia fesuaiga e tusa ai ma o latou tiute ma mataupu o lo o faataoto mai lalo o le Mataupu 35 o le Faavae o le Malo Tutoatasi o Samoa.

O le sini autu o le Tulafono Tau Faaofi, o le faamaninoina lea o nisi o pule faataga faaletulafono ma galuega tauave, faatinoina e Matagaluega taitasi e fitoitonu i ai ina ia aloaia le faasoaina o matafaioi tauave a Minisita ma le toe fetuunaiga o a latou galuega tauave.

Lau Afioga i le Fofoga Fetalai, e le tele le Tulafono. O le Tulafono lenei e agai tonu lava i le fetuunaiga o tiute ma le fesuaiga o tofi sa ou faalaulauina ma o le toe fetuunaiga o tofiga o tofi e tusa ai ma le Vaega 35 o le Faavae o le Malo lea e aumai ai le pule faataga. O aga ia faa-taitai o Malo e aofia uma ai lava Malo Temokarasi. E i ai le taimi e mataitu lelei ai e le Taitai o le Malo le faagasologa o tiute o Minisita. Sa ou faasilasilaina foi, o le isi lena mea po o mafuaaga ou te tauaveina ai tiute o le Minisita ua tuua Samoa ona o fonotaga i fafo. Ma o le isi lea mafuaaga e maua ai lou avanoa ou te mataituina ai le mamafa po o le mama foi o le avega ua faaee atu i tauau o le Minisita talu mai tofiga na fai i le amataga o le Paeaiga lenei. O lea la sa ou manatu ai e tataua ona toe fetuunai galuega nei, ma o na fetuunaiga lau Afioga i le Fofoga Fetalai, e toe manaomia ai foi le fesuaiga o Tulafono, le toe teuteuina o Tulafono. O le mea lea e masani ona tupu i amataga o Paeaiga pe a fesui ai tofi i ina, e faia ai isi teuteuga o Tulafono, ae a alu alu alu ua oo mai i le ogatotonu ae toe manatu foi le Taitai o le Malo o se mea ua onomea le toe fai o se isi fetuunaiga i le agaga lava e tasi ina ia gasolo lelei fuafuaga a le tatou Malo i le faatinoga, ma e mafai ai foi ona toe fai isi teuteuga faapenei. A o teuteuga o Tulafono ina ia atagia ai fesuaiga ia, o lena lava e faataga mai lalo o le Vaega 35 o le Tulafono Faavae.

Lau Afioga i le Fofoga Fetalai, o le faapuupuuga lena o lenei Tulafono puupuu.

**FOFOGA FETALAI:** Ia, se i tulai mai le sui usufono mo Vaisigano Nu.2.

**Afioga TAPULESATELE MAUTENI TAMASONE METULI II ESERA (Vaisigano Nu.2):** Lau Afioga i le Fofoga Fetalai, faafetai mo le avanoa ua aumai. O le tulaga foi o lenei Tulafono o lea ua manino lelei le saunoaga a le Palemia po o le Minisita foi o Leoleo. O lenei Tulafono, o le faatauaina lava o le fesuaiga po o matafaioi tauave a Minisita lea pei ua mafua ai. A o le tulaga foi lea e fia fai ai seí na o se faailoa po o se faailo foi lea o le matau o lea ua faatino foi ma atoatoa mai suiga ia ua i ai. A o le tulaga lava ia i galuega tauave ma malosiaga, e i ai le manatu foi lea ona o le tatou lava Malo ma le taumafaiga ma le tau atiaeina, o lea ua tele lava foi ina faailoa foi le finagalo o le Malo i le tele o mea, ma le agai lea i le aoaoina o tatou tagata.

26 IUNI 2019

**Tulafono Tau Faaofi o Teuteuga Eeseese i Tulafono (Faasoaina o Matafaioi Tauave i Minisita) 2019 - faitauga faalua**

E le gata la i isi faailoga foi ia, a o le tulaga foi lea i mea ia o matata. O lau matau i le aoaoina o tatou tagata, e le gata la i isi faailoga foi ia, a o le tulaga foi lea i mea ia o matata.

O lau matau i mea lava ia o galuega tauave lea e taua mai i le Tulafono Tau Faaofi lea, e i ai le manatu foi lea afai tatou te manao e faaaoga o tatou tagata ia e i ai matata o le faatinoina o isi galuega ia i le pasia o taavale, o le faailoa foi lea ma le faufautua atu mo le agai i luma. O le a le mea o le a toe ave ai tatou taavale e pasi e leoleo. E pei o le tulaga lenaí

**FOFOGA FETALAI:** Se i tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, masalo e le o malamalama le sui usufono. Na o le pau lava le mea ia mautinoa o le pasi i o ina ia aiaia Tulafono. A o le mea moni lava ia, e le tatau ona suia i latou e faatinoa mea ia. Pau lava le mea ua eseese Pulega. Lau Afioga i le Fofoga Fetalai, o le faamasinoga lena a au nei o le Taitai o le Malo. E leai se mea o le a aafia ai fua le galuega lena.

Lau Afioga i le Fofoga Fetalai, na ona faamanino atu i le sui usufono.

**FOFOGA FETALAI:** Ia, masalo o lea ua manino le vailiu lea le sui usufono mamalu.

**Afioga TAPULESATELE MAUTENI TAMASONE METULI II ESERA:** Faafetai lau Afioga i le Fofoga Fetalai. E leai e sao le saunoaga a le Palemia o lea e malamalama lelei i ai lou nei tagata i le tulaga lea. Ae matau atu foi lele i isi galuega ia lea ou te fai atu ai au, o le matata lea e mafai ona tuu i ai mo le agai i luma.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Ou te faafesili atu i le sui usufono po o a tonu matata ia ona o lea e te talanoa mai i le tulaga faale manino. Ae lelei ona e saunoa mai po o a matata. Aua e le o aafia ni matata, na o le pau a le mea o le aveese o le pulega. O nei i le taeao na ou sau ai i le magatolu lea e i Vaimoso, na ou sau ananafi pe toe lima minute i le 9:00 o le taimi lea o lea e pisi taavale o tutu ai leoleo e toalua, ae ou sau nei i le taimi foi lea, e leai ni leoleo. Leoleo ia faasinoala. O Aso Sa ou te sau ai i le maketi, tumutumu taavale i ina, e leai ni leoleo o tutu ai, leoleo o taavale afi. O le eseese lena o taua, e te le o fealuai ma vaavaai, a o au la, ou te fealuai ma vaavaai ona ou tilotilo lea i ai, pe mafua i se a mea ia.

Lau Afioga i le Fofoga Fetalai na ona ou faapuupuu, a o le pepa lea o lea e tumu i tusitusiga, e mafai ona ou tali atu nei a i mea uma na e te le o malamalama ai. A o tatou foi e fai a tatou mafutaga ae te le laga ai mea ia ou te faamalamalama atua i tua.

Lau Afioga i le Fofoga Fetalai, pei o le fesoasoani atu lena.

26 IUNI 2019

**Tulafono Tau Faaofi o Teuteuga Eseese i Tulafono (Faasoaina o Matafaioi Tauave i Minisita) 2019 - faitauga faalua**

**FOFOGA FETALAI:** Malo faafetai. Ia, ua manino le faamalamalamaga a le Malo.

**Afioga TAPULESATELE MAUTENI TAMASONE METULI II ESERA:** Lau Afioga i le Fofoga Fetalai pe i ai sina isi avanoa se tasi a, ou te iloa o lea ua uma lou taimi, se i faamalamalama pea le tulaga lea. Aua ou te iloa a silafia e le Afioga i le Palemia, e au i ai i le mea lea e taumafai atu ai.

**FOFOGA FETALAI:** O le faalavelave o lena e faapulusalalau lou finagalo. Leai, e faapena. O lea a e manino i le Malo.

**Afioga TAPULESATELE MAUTENI TAMASONE METULI II ESERA:** O le a faapea ia lau Afioga i le Fofoga Fetalai, aumai se avanoa a o lea o le a faapuupuua atu ia. O le tulaga i mea o tomai ia o le inisia taavale, o lea ou te matau atu i galuega tauave lea e aumai i i le suesueina foi lea, o le uiga o lea ou te vaai atu o lea e faapapalagi mai i i o le inspection of vehicles. Tusa la o lea ou te faaliliuina e au ia o le warrant of fitness po o le certificate of fitness. E tusa la o le uiga lea ou te taumafai atu ai, aua ou te iloa o le mea a lea e oo i ai, o le taumafai foi o le Malo e ave le galuega e fai e le private sector, e fai mai lava e le tagata ia le faatinoga lea, a o le leoleo lea o le a ave i ai le...

**FOFOGA FETALAI:** Ia o lea se i saunoa mai le Minisita mo Galuega, Felauaiga ma Atinae Eseese.

**Susuga Hon Papaliitele Niko Lee Hang (Minisita mo Galuega, Felauaiga ma Atinae Eseese):** Lau Afioga i le Fofoga Fetalai, faafetai mo le avanoa. E tau matau atu lava i le saunoaga a le sui usufono mamalu e pei e ese le Tulafono lea... O le Tulafono lea e agai i le suiga i Minisita, e le o talanoaina ni galuega faatino i le Pulega ma ni Matagaluega, mo le faasoaina o le taimi o le sui usufono mamalu ne i meaane ua umi lana folasaga, ae le o agai tonu i le Tulafono lea. Ma lou faaloalo lava.

**FOFOGA FETALAI:** Malo faafetai. Ia, ma ou te manatu, se i silasila ifo le sui usufono mo Vaisigano Nu.2 o lea tatou te faasolo atu i le iloiloga o mea taitasi po o fea tonu le Tulafono lea e te finagalo i ai, ae mol e taimi nei, o le a faagasolo le tatou galuega.

*Na faamaonia le lafo ma faitauina le Tulafono Tau Faaofi o Teuteuga Eseese i Tulafono (Faasoaina o Matafaioi Tauave i Minisita) 2019 i lona faitauga faalua.*

26 IUNI 2019

**TULAFONO TAU FAAOFI O TEUTEUGA O LE TULAFONO O LE  
FAASOLOGA O TIUTE 2019 – faitauga faalua**

**FOFOGA FETALAI:** Se i tulai mai lau Afioga i le Minisita mo Tupe Maua.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fetalai ou te tulai atu ma le faaaloalo e faatu le lafo, *Ina ia faitauina nei le Tulafono Tau Faaofi o teuteuga o le Tulafono o le Faasologa o Tiute 2019 i lona faitauga faalua ma ou te fia tautala faamalamalama i ai.*

*Faaluaina e le Minisita o Tupe, Minisita mo le Soifua Maloloina ma le Minisita mo Aoga, Taaloga ma Aganuu.*

**FOFOGA FETALAI:** Ia, saunoa ia lau Afioga e faamalamalama le Teuteuga o le Tulafono.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fetalai ma le mamalu o le Palemene, o lenei Tulafono Tau Faaofi, o se Tulafono e Teuteu ai le Tulafono o le Faasologa o Tiute 1975, Tulafono Autu.

I le avea ai o Samoa ma sui o Faalapotopotoga o Tiute a le Lalolagi, World Customs Organisation, ua afua ai le iloiloga lenei o le Tulafono o le Faasologa o Tiute ina ia ogatasi ma faiga faavae ma galuega faatino a le Faalapotopotoga o Tiute o le Lalolagi. O ia suiga e tatau lava ona toe silasila totoa i ai atunuu taitasi ina ia mafai ona ogatasi le faavasegaina o oloa i le tusi kalifa (tarrif) mo le faaaogaina e atunuu fefaatauai o le lalolagi. O lea ua i ai nei le lomiga mo le tausaga 2017, ma o le ala lea na ala ai ona lauiliu e pei ona tuuina atu nei. Mo le silafia e lau Afioga ma sui usufono mamalu o le Palemene, o lo o faaaogaina nei e Samoa le tusi kalifa (tarrif) 2012. Ma sa faatino iloiloga e le Matagaluega mai le masina o Me 2016. Ma o le faaiuga la lenei o le iloiloga ina ia ogatasi ma le tusi kalifa (tarrif) 2017 ua faapea ona faaaogaina e le tele o Ofisa o Tiute i le lalolagi.

Lau Afioga o le Sini Autu lava o lenei fesuiaga ma le toe iloiloga o le tusi kalifa e ova i le 500 itulau, ae tusa le suiga ma le 338 suiga ua i ai i totonu, o mea o suiga o headings, a o le suiga lava o tiute o lo o i ai ua uma ona pasiaina e le Palemene i le 2012 o lo o faaaogaina e oo mai i le taimi lenei. Mo le silafia e le mamalu o le Palemene, o suiga uma ua liliu ma iloilo mo le 2017 tusi kalifa (tarrif), o tariff rates, ua maea ona pasia e le mamalu o le Palemene i le 2012, ae ona o le tai lima tausaga ma toe feutagai ma tagatagai le Tiute i le faasologa o kalifa (tarrif). E le gata i lea, o lo o avea Samoa ma sui auai i lalo o le maliega a atunuu o le Pasefika mo le uunaiga o le tamaoaiiga e pei o le PACER Plus. Ma e faasino tonu i oloa tau fefaatauiga a atunuu ma sa tatou sainsi lima ai i le aso 14 Iuni 2017, e amata loa ona faatino nisi o faiga faavae ma ua poloaiina ai Samoa ina ia faatino suiga talafeagai i a tatou Tulafono ina ia atagia ai alafua o le PACER Plus.

26 IUNI 2019

**Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – iloiloga auiliili**

O le auga tonu lena o le Tulafono lenei, e mafafia, a o le tusi lenei e faaoga e le vaega foi lea e fai le latou custom agent i le faavasegaina o tiute o lea oloa ma lea oloa, ae pei o le toe faamatalaina ma le toe aveesea o oloa ua le o toe i totonu o fefaatauaiga, ma oloa fou ua maua mai talu mai le lima tausaga talu ai na iloiloaina ai. Sa tataua ona uma i le 2017, e pei o le galuega sa feagai ma le Matagaluega ona o le tele foi o isi Matagaluega a le Malo e aafia faatasi ai, lea faatoa maea i le tausaga lenei ma tuuina mai loa i le Palemene mo sana faaiuga.

E pei o le faamalamalamaina lena lau Afioga ma le mamalu o le Palemene.

**FOFOGA FETALAI:** Malo faafetai.

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Faasologa o Tiute 2019 i lona faitauga faalua.*

**TULAFONO TAU FAAOFI O TEUTEUGA O LE TULAFONO O LE FAAPUTUGATUPE MO LE LUMANAI MANUIA O TAGATA 2019 – iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga auiliili le Fuaiupu 2.

**FUAIUPU 2: O teuteuga i le Tulafono Autu.**

*Faamaonia.*

**FAAMATALAGA:**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o le Faaputugatupe mo le Lumanai Manuia o Tagata 2019.**

*Faamaonia.*

*Na faagasolo le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 e aunoa ma se Teuteuga.*

26 IUNI 2019

**TULAFONO TAU FAAOFI O TEUTEUGA O LE TULAFONO O  
KAMUPANI TAUSI MAVAEGA 2019 – iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga auiliili le Fuaiupu 2.

**FUAIUPU 2:** U teuteuina le Fuaiupu 8.

*Faamaonia.*

**FUAIUPU 3:** Ua teuteuina le Fuaiupu 30.

*Faamaonia.*

**FUAIUPU 4:** Ua suia le Fuaiupu 39.

*Faamaonia.*

**FUAIUPU 5:** Ua faaofiina le Fuaiupu 39A fou.

*Faamaonia.*

**FUAIUPU 6:** Ua teuteuina le Fuaiupu 51.

*Faamaonia.*

**FUAIUPU 7:** Teuteuga faatupulaia.

**FOFOGA FETALAI:** O lo o i ai le Faasaoga a le Minisita i le Fuaiupu 7, i le na o le Lomiga Samoa. Tulai mai le Afioga i le Minisita o Tupe.

**Afioga Hon SILI EPA TUIOTI:** Lau Afioga i le Fofoga Fetalai ou te faatu le Faasaoga i le Fuaiupu 7 e faapea:

**“FAASAOGA:**

*Ia suia le igoa umi o le Tulafono Tau Faaofi le “Tulafono o Kamupani Laiseneina mo Auaunaga Tau Mavaega ma Auaunaga Tau Tupe Faava o Malo 2019 ma suia ai foi ma le Igoa o le Tulafono Autu 2017.”*



26 IUNI 2019

**Tulafono Tau Faaofi o Teuteuga o le Tulafono o Faaputuga Oa Faavae  
Resitalaina 2019 – iloiloga auiliili**

**FOFOGA FETALAI:** Malo faafetai.

*Faamaonia le Faasaoga.*

*Faamaonia le Fuaiupu 7 e pei ona Faasaoina.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Kamupani Laiseneina mo  
Auaunaga Tau Mavaega ma Auaunaga Tau Tupe Faava o  
Malo 2019.**

*Faamaonia.*

*Na faagasolo le Tulafono Tau Faaofi o Teuteuga o le Tulafono o Kamupani  
Laiseneina mo Auaunaga tau Mavaega ma Auaunaga tau Tupe Faava o Malo  
2019 faatasi ma le Faasaoga.*

**TULAFONO TAU FAAOFI O TEUTEUGA O LE TULAFONO O  
FAAPUTUGA OA FAAVAE RESITALAINA 2019  
– iloiloga auiliili**

**FOFOGA FETALAI:** E tusa ai ma Tulafono Tumau, e amata le iloiloga  
auiliili i le Fuaiupu 2.

**FUAIUPU 2: Ua teuteuina le Fuaiupu 2.**

*Faamaonia.*

**FUAIUPU 3: Ua teuteuina le Fuaiupu 12.**

*Faamaonia.*

**FUAIUPU 4: Ua teuteuina le fuaiupu 76A.**

*Faamaonia.*

**26 IUNI 2019**

**Tulafono Tau Faaofi o Teuteuga o le Tulafono o Kamupani 2019  
– iloiloga auiliili**

**FUAIUPU 5: Ua faaofina le fuaiupu 76B fou.**

*Faamaonia.*

**FUAIUPU 6: Teuteuga faatupulaia.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Faaputuga Oa Faavae  
Resitalaina 2019.**

*Faamaonia.*

*Na faagasolo le Tulafono Tau Faaofi o Teuteuga o le Tulafono o Faaputuga  
Oa Faavae Resitalaina 2019 e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O  
KAMUPANI 2019 – iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga  
auiliili i le Fuaiupu 2.

**FUAIUPU 2: Ua teuteuina le Faamatalaga 1.**

*Faamaonia.*

**FUAIUPU 3: Ua teuteuina le Faamatalaga 13.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Kamupani 2019.**

26 IUNI 2019

**Tulafono Tau Faaofi o Teuteuga o le Tulafono o Auupega 2019  
- iloiloga auiliili**

*Faamaonia.*

*Na faagasolo le Tulafono Tau Faaofi o Teuteuga o le Tulafono o Kamupani  
2019 e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O  
AUUPEGA 2019 – iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga  
auiliili i le Fuaiupu 2.

**FUAIUPU 2: Ua teuteuina le Fuaiupu 2.**

*Faamaonia.*

**FUAIUPU 3: Ua teuteuina le fuaiupu 6.**

*Faamaonia.*

**FUAIUPU 4: Ua suia le Fuaiupu 8.**

*Faamaonia.*

**FUAIUPU 5: Ua teuteuina le Fuaiupu 9.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Auupega 2019.**

*Faamaonia.*

26 IUNI 2019

**Tulafono Tau Faaofi o Teuteuga o le Tulafono o le Komisi o le  
Toefuataiga o Tulafono 2019 – iloiloga auiliili**

*Na faagasolo le Tulafono Tau Faaofi o Teuteuga o le Tulafono o Auupega  
2019 e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O LE  
KOMISI O LE TOEFUATAIGA O TULAFONO 2019  
– iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga  
auiliili i le Fuaiupu 2.

**FUAIUPU 2: Ua teuteuina le Fuaiupu 2.**

*Faamaonia.*

**FUAIUPU 3: Ua teuteuina le Fuaiupu 6.**

*Faamaonia.*

**FUAIUPU 4: Ua teuteuina le fuaiupu 7.**

*Faamaonia.*

**FUAIUPU 5 Ua teuteuina le fuaiupu 9.**

*Faamaonia.*

**FUAIUPU 6 Ua teuteuina le fuaiupu 10.**

*Faamaonia.*

**FUAIUPU 7 Ua teuteuina le fuaiupu 12.**

*Faamaonia.*

**26 IUNI 2019**

**Tulafono Tau Faaofi o Teuteuga Eeseese i Tulafono Faasoaina o Matafaioi  
Tauave i Minisita 2019 – iloiloga auiliili**

**FUAIUPU 8 Ua teuteuina le fuaiupu 13.**

*Faamaonia.*

**FUAIUPU 9 Ua soloia le fuaiupu 14.**

*Faamaonia.*

**FUAIUPU I MA LE IGOA**

**FUAIUPU I:** Igoa puupuu ma le amataga

**IGOA:** Teuteuga o le Tulafono o le Komisi o le Toefuataiga o  
Tulafono 2019.

*Faamaonia.*

*Na faagasolo le Tulafono Tau Faaofi o Teuteuga o le Tulafono o le Komisi o  
le Toefuataiga o Tulafono 2019 e aunoa ma se Teuteuga.*

**TULAFONO TAU FAAOFI O TEUTEUGA ESEESE I TULAFONO  
FAASOAINA O MATAFAIOI TAUAVE I MINISITA 2019  
- iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga  
auiliili i le Fuaiupu 2.

**FUAIUPU 2: Ua teuteuina le Tulafono o Pulega o Felauaiga i le  
Laelele 2007.**

*Faamaonia.*

**FUAIUPU 3: Ua teuteuina le Tulafono o Malosiaga o Leoleo 2007.**

*Faamaonia.*

**26 IUNI 2019**

**Tulafono Tau Faaofi o Teuteuga Eseese i Tulafono Faasoaina o Matafaioi  
Tauave i Minisita 2019 – iloiloga auiliili**

**FUAIUPU 4: Ua teuteuina le Tulafono o Taavale Feoai i Ala Tetele  
(Tupe Totogi o Faasalaga tau Tupe) 2009.**

*Faamaonia.*

**FUAIUPU 5: Ua teuteuina le Tulafono o Taavale Feoai i Ala Tetele  
1960.**

*Faamaonia.*

**FUAIUPU 6: Ua teuteuina le Tulafono o le Faatulagaina o Fale 1932.**

*Faamaonia.*

**FUAIUPU 7: Ua teuteuina le Tulafono a le Matagaluega o Galuega  
2002.**

*Faamaonia.*

**FUAIUPU 8: Aiaiga tau soloaiga ma Aiaiga faasaoina.**

*Faamaonia.*

**FUAIUPU I MA LE IGOA**

**FUAIUPU I: Igoa puupuu ma le amataga**

**IGOA: Tulafono o Teuteuga Eseese i Tulafono Faasoaina o  
Matafaioi Tauave i Minisita 2019.**

*Faamaonia.*

*Na faagasolo le Tulafono Tau Faaofi o Teuteuga Eseese i Tulafono  
Faasoaina o Matafaioi Tauave i Minisita 2019 e aunoa ma se teuteuga.*

**26 IUNI 2019**

**Tulafono Tau Faaofi o Teuteuga Eeseese i Tulafono Faasoaina o Matafaioi  
Tauave i Minisita 2019 – iloiloga auiliili**

**FOFOGA FETALAI:** Ua ou manatu o lea ua tatou toai taunuu i le taimi manava. Ona i ai lea o le manatu o le a faamuta ai i i la tatou galuega mo lenei aso. Talo soifua mo le aso Fono a taeao, ina ia avatu i ai e le Atua lo outou soifua ma lo tatou ola, e faaauau ai la tatou galuega ma la tatou Fonotaga. E le gata foi i lenei Palemene ae faapea foi i le faatasi mai o Ofisa Sili o Pulega o Matagaluega ma Faalapotopotoga a le Malo, i latou o lo o faapena ona lima ma vae tulou, ma aumai lo latou faiva alofilima, e faapena ona lagolago ai se finagalo o le Malo aemaise foi o le faafofoga tapuai mai o Samoa.

Samoa afai ua i ai se upu ua soli tuaoi pe paopapa i le faafofoga ma le tapuaiga, tofa i le Atua e magalo ai se leo o le Palemene.

Ae tatou te le i tolopo mo le aso Fono a taeao, o le a ou faaiuina la tatou Fonotaga i se tatalo.

*Na tolopo Taulumaga a le Fono Aoao Faitulafono i le itula e 12:55 i le aoauli seia aulia le itula e 9.00 i le taeao o le Aso Tofi, 27 Iuni 2019.*